

吳  
詩  
集  
覽

吳詩集覽卷十九上

黎城靳榮藩介人輯

詩餘一之上 小令

中調

王貽上曰：婁東祭酒長短句能驅使南北史為

體中獨創流麗穩貼不徒直逼幼安

日有以梅村比吳彥高曰：吳郎近以樂府高天

下余讀其十八年來如夢萬事淒涼一語又元

之許祭酒也詞維步武稼軒故無一字放逸得

力句唾壺欲碎頰仰固是獨絕

欲合刻梅村香嚴棠村為三大家詞者以梅村

駢蕩香嚴警挺棠村有柳欹花驛之致或謂河

北河南代為雄視未若三公之旨之一也意氣

道上感慨蒼涼

當以梅村為冠

詞乃詩之餘也故不別立吳詞集覽之目卷數

亦仍其舊

按錢塘毛氏云五十八字以內為

小令五十九字至九十字爲中調九十一字以外爲長調萬紅友詞律極言分小令中調長調之非又引詞綜謂草堂以臆見分之後遂相沿其辨甚嚴然紅友亦不能不以字之多少爲先後則與草堂之例無甚異也茲仍從原本書之詞綜發凡謂花間體製調卽是題如女冠子則咏女道士河瀆神則爲送迎神曲虞美人則咏虞姬是也宋人詞集大約無題自花菴草堂增入閨思閨四時景等題深爲可憎按東坡集詞之以暮春情名題者頗多而蝶戀花之花褪殘紅青杏小何嘗不題曰春景賀新郎之乳燕飛華屋何嘗不題曰夏景江神子之相逢不覺又初寒何嘗不題曰冬景乎况竹垞之江湖載酒集茶烟閣體物集有題者較多是嚴于論花庵草堂而于已集中又未嘗堅守其說也梅村集中有不書題者有書題者悉仍其舊梅村爲近代詩人冠冕而尤展成謂其遺命

題以圓石文曰詞人吳梅村之墓豈不

以病中賀新郎一闕爲平生心血所寄而發其  
詩之所未發與頌其詩讀其詞不知其人可乎  
是以論其世也吾重爲梅村惜也明史文苑  
傳張昱字光弼廬陵人仕元爲江浙行省左右  
司員外郎行樞密院判官留居西湖壽安坊酒  
間爲瞿佑誦所作詩曰我死埋骨湖上題曰詩  
人張員外墓足矣梅村遺令與昱相類然昱于  
明初被徵上憫其老曰可閒矣厚賜遣還因自  
號可閒老人故昱得以員外書而梅村不以職  
銜書則較昱尤可悲也白傳自撰墓誌曰無請  
太常諡無建神道碑但于墓前立一石刻醉吟  
先生傳一本嗟乎白傳之曠達張員外之高逸  
譚五經之峻潔亦各有嘉遇也哉

望江南

詞律望江南  
一名江南好

江南好聚石更穿池水檻玲瓏簾幕隱杉齋精麗綠垣

低木榻紙窗西

此咏池館之好。蘇詞江南好十鐘美酒一曲滿庭芳。梁書徐勉傳聚石移

果。又正欲穿池種樹。

杜詩新添水檻供垂釣玲瓏見

琵琶行簾幕見哭志衍。

杉齋見送何省齋世說支道

林叙致精麗。西京賦繚垣繚聯四百餘里。

三國志管寧傳注常坐一木榻紙窗見題畫。

又

江南好翠翰木蘭舟窄袖袂衣持楫女短簫急鼓采菱

謳逆槳打潮頭

此咏舟人之好。魏文帝大牆上蒿行飾以翠翰既美且輕木蘭舟見贈袁韞

玉窄袖見鴛湖曲王仲初宮詞每到日中重掠鬟袂

衣騎馬遶宮廊大業拾遺記每舟擇妙麗長白女子千

人執雕板鏤金機獨吳絳仙得賜螺黛因吟持楫篇賜

之唐書南蠻傳龜茲部有長短簫橫笛方響大銅鈸

貝皆四楊誠齋詩急鼓繁鉦動地呼采菱見行路難陽

阿注武林舊事浙江之潮天下偉觀也吳兒善泅者

數百皆披髮文身手持十幅大綵旗爭先鼓勇泝迎而上出沒於鯨波萬仞中騰身百變而旗尾畧不沾濕以此誇能按江南打潮事應類之  
劉夢得詩風駕潮頭入渚田

又

江南好博古舊豕風宣廟乳爐三代上元人手卷四家

中廠盒鬪雞鍾

此咏骨董之好○宣和博古圖三十卷宋徽宗著家風見送杜敬武昭代叢

畫旨辟疆宣爐歌汪宣廟時傳內佛殿火金銀銅像渾而成液又云寶藏焚金銀珠寶與銅俱結命鑄爐又曰宣爐以百摺彝乳足花邊魚鰖蛭蚰諸耳爲最不規規三代鼎鬲多取宋瓷爐式倣之按宣廟指明宣宗見蟋蟀盆歌顧俠君元詩小傳梅花道人吳鎮與黃公望倪瓚王蒙有畫苑四大家之目  
廠盒見蟋蟀盆歌闕

雞見  
宮扇

又

江南好蘭蕙伏盆芽茉莉縷藏新茗椀木瓜香透小窗

紗換水膽瓶花

此咏盆玩之好○茉莉見茉莉茗椀見觀王石谷畫爾雅椀木瓜注寔如酢

可食白詩絮撲窗紗燕拂簷

陳君舉詩掇花寘膽瓶

又

江南好五色錦鱗肥反舌巧偷紅嘴慧畫眉羞傍白頭

栖翡翠逐金衣

此咏魚鳥之好○錦鱗見送汪均萬禮仲夏之月反舌無聲注反舌百舌鳥

元詩言語巧偷鸚鵡舌杜鸚鵡詩紅嘴漫多知

梅聖

俞詩山鳥本無名兩眉如畫粉安慶府志畫眉似鸚鵡而色微黃曰上有白眉如畫故名江表傳有白頭鳥集

殿前權曰此何鳥也恪曰白頭翁也翡翠見行路難

天寶遺事唐明皇于禁苑中見黃鸝呼爲金衣公子

又

江南好蒲博擅縱橫紅鶴八番金葉子元盧五木玉楸

枰擲采坐人傾

此咏蒲博之好○蒲博見遇劉雪舫沈休文棲禪精舍銘八番海鶴九噪巖

蟬品外錄葉子如今之紙牌酒令鄭氏書目有南唐李後主妃周氏編金葉子格此戲今少傳唐國史補擲之全黑者爲盧程大昌擲蒲經古惟斲木爲子一具凡五子故名五木玉楸枰見哭志衍國史補擲采之戲有二其法生于握槊變于雙陸杜詩一見能傾坐張加茂曰擲采句暗用袁彥道事

又

江南好茶館客分棚走馬布簾開瓦肆搏華餉鼓賣山



亭傀儡美參軍

此咏市肆之好○分棚見贈湖州守

陳書袁憲傳徙席山亭談宴終日

傀儡琵琶行參

軍見鴛鴦湖曲

又

江南好皓月石場歌一曲輕圓同伴少十反麤細聽人

多絃索應雲鑼

此咏絃管之好○詩月出皓兮按石場

詩輕圓白曉荔同伴見彈琴歌

十反見彈琴歌玉篇

麤不精也大也絃索見琵琶行元史禮樂志雲璈制

又

江南好黃爵紫車螯雞臙下豉澆苦酒魚羹加茱搗丹

椒小吃砌宣窰

此咏市脯之好○戰國策夫黃雀其小者也孟子雀作爵車螯見蛤蜊陸務

觀詩黃雞煮臠無停筋下豉見贈馮訥生豉去聲借讀

平聲晉書張華傳試以苦酒濯之齊民要術食經有作

大豆千歲苦酒法作小豆千歲苦酒法魚羹見畫蘭

曲宋子詩傳芼熟而薦之也蜀都賦或豐綠黃或蕃丹

椒按宋玉叔有百鎰始購

宣窰杯之句蓋指明宣德時

又

江南好櫻笋薦春羞梅豆漸黃探鶴頂茨盤初軟剝鷄

頭橘柚洞庭秋

此咏蔬果之好○櫻筍見贈陳定生禮記俎豆牲醴薦羞皆有等差王龜齡

詩盤食飢梅豆羣芳譜鶴頂梅寔大而紅周禮天官

龜人菱茨臬匡茨雞頭也橘柚見高涼司馬行葦應

物詩憐君臥病思新橘試摘猶酸亦未

黃書後欲題三百顆洞庭須待滿林霜

又

江南好機杼奪天工孔翠裝花雪錦爛冰蠶吐鳳霧綃

空新樣小團龍

此咏機絲之好○古詩札札弄機杼畫天工人其代之晉書劉宏傳論舉賢

登善窮授孔翠之毛明史輿服志嘉靖六年復禁中外官不許監服五彩裝花織造違禁顏色沈休文詩雲錦不須織尚書大傳卿雲爛兮拾遺記員嶠山有水蠶長七尺黑色有鱗角以霜雪覆之然後爲繭其色五采織爲文錦入水不濡投火不燎季義山詩門多吐鳳才洛神賦曳霧綃之輕裾新樣見永和宮詞明史輿服志皇后常服袷襖子深青金繡團龍文

又

江南好獅子法王宮白足禪僧爭坐位黑衣宰相話遭

逢拂子塞虛空

此咏禪林之好○楞嚴經富樓那云世尊知我有大辨才以音聲輪教我發揚

我于佛前助佛轉輪因獅子吼成阿羅漢法王見讚佛

詩注

白足見訪文學博顏清臣有爭坐位帖 黑衣

宰相見讚佛詩注遭逢見宮

扇 樓拂子見送照如師

又

江南好開掃鬪新粧鴉色三盤安鈿翠雲鬟一尺壓蛾

黃花讓牡丹王

此咏梳掠之好○開掃見無題其四注新粧見鴛湖閨咏 鴉色見偶見三盤

見題董白條梅聖俞詩鞦韆競打遺鈿翠 段柯古詩

出意挑鬟一尺長李義山詩八字宮眉捧額黃 牡丹

譜錢思公曰人謂牡丹花王今姚黃

直爲王魏紫后爾按此咏牡丹頭也

又

江南好艷飾綰羅仙百襴細裙金線柳半裝高屨玉臺

蓮故故立風前

此咏閨裝之好○綰羅見七夕卽事類篇襴裙幅相襍也顧曼詞瑟瑟羅裙

金線縷溫飛卿詩卓氏爐前金線柳

梁簡文帝詩羅

裙宜細襴畫屨重高牆梁武帝歌心如玉池蓮玉臺見

西泠閨咏序按此益合用元詩金

蹙重臺履杜詩故故滿青天

又

江南好繡帥出鍼神霧髻湘君波窈窕雲幢大士月空

明刻畫類天成

此咏刺繡之好○論衡刺繡之門能縫惟裳納縷之工不能織錦鍼神見七夕

卽事

蘇詩霧髻風鬟木葉衣湘君見呈李太虛王

會之詩雲幢烟節紫霧居柳子厚聖安寺碑菩薩大士

其衆無涯赤壁賦擊空明兮泝流光刻畫見

鐵獅歌南史文學傳論放言落紙氣韻天成

又

江南好巧技棘爲猴髹漆湘筠香墊几餞金螺鈿酒承

舟釵鏤匠心搜

此咏器玩之好○韓非子衛人有能以棘刺之端爲母猴者必三月齋然後能

觀之

髹漆見讚佛詩

季賁之詩湘筠憶舊班

餞金

見蟋蟀

盆歌正韻

陷蚌日螺鈿

六書故細鑑金銀爲

文曰釵鏤匠心見讀史偶述其十三

又

江南好狎客阿儂喬趙鬼椰榆工調笑郭尖儼巧善詆

嘲幡綽小兒曹

此咏狎客之好○狎客見觀石谷畫伽藍記吳人自呼阿儂南史齊東昏記

左右趙鬼能讀西京賦云柏梁旣災建章是營于是大

起諸殿又茹法珍傳初左右刀勅之徒悉號爲鬼宮中

訛云趙鬼食鴨劑諸鬼盡著調後漢書王霸傳市人皆大笑舉手邪揄之邪亦作椰晉陽秋羅友以家貧乞錄曰民首旦出門于中途逢一鬼大見椰揄詞名有調笑令魏書郭祚附傳景尚字思和善事權寵世號曰郭尖僂巧見王郎曲政詆嘲見楚兩生行幡綽見哭志衍小兒曹見松鼠

又

江南好舊曲話湘蘭薛素彈丸豪士戲王微書卷道人

看一樹柳摧殘

此咏聲伎之好○北里志平康里八北門東回三曲即諸妓所居之聚也明詩

綜馬守真字湘蘭

一字元兒又字月嬌金陵妓又薛

素素小字潤孌

嘉興妓按素素能畫蘭竹作小詩善彈

走馬以女俠自命

置彈於小婢額上彈去而婢不知江

湖俠少年皆慕稱

薛五矣豪士見機山明詩綜王微

字修微揚州妓

飯心禪悅自號草衣道人

館詩集

隋書

柳機傳機在周與族人昂俱歷顯要及

此並爲外職楊素方用事戲機曰二柳俱摧孤楊獨聳摧殘見短歌張如哉曰未句指柳如是卽縱使君來豈堪折之意兼以調笑東澗也

有明興亡俱在江南固聲名文物之地財賦政事之區也梅村追言其好宜舉遠者大者而十八首中止及嬉戲之具市肆之盛聲色之娛皆所謂足供兒女之戲者何歟蓋南渡之時上下嬉游陳臥子謂其清歌漏舟之中痛飲焚屋之內梅村親見其事故直筆書之以代長言咏歎十八首皆詩史也可當東京夢華錄一部可抵板橋雜記三卷或認作烟花賬簿恐沒作者苦心矣

### 如夢令

鎮日鶯愁燕懶徧地落紅誰管睡起燕沉香小飲碧螺

春盃簾捲簾捲一任柳絲風軟

此咏春閨○鎮日見獨往王庵看梅薛洪度詩



曉蟬鳴咽暮鶯愁馬浩瀾詞雙飛燕懶百轉鶯嬌張子野詞明日落紅應滿徑辛幼安詞斷腸點點飛紅都無人管秦少游詞睡起不勝情沉香見讚佛詩季詩高陽小飲真瑣瑣王弼花游曲清音震落碧瑤梳白詩籌插紅螺梳劉仲晦詩六宮簾捲東風軟柳絲見雜陽行

又

誤信鵲聲枝上幾度樓頭西望薄倖不歸來愁殺石城

風浪無恙無恙牢記別時模樣此詞若成于仕南都告歸時則佳矣○陸賈新

語乾鵲噪而行人至秦少游詞薄倖不來春老舌詩蕭蕭愁殺人石城見西冷閨咏序崔顥詩下渚多風

浪無恙見喜穆苑先歸

又

小閣焚香閒坐。撼撼紙窓風破。女伴有誰來管領。春愁

一箇無那。無那斜壓翠衾還臥。

此當與前首合看。小閣見西田詩。蘇詩掃地

焚香閉閣眠。

盧諶詩。撼撼芳葉落。正字通。撼故借用。

瑟字瑟瑟。即撼撼也。字典引白詩。楓葉荻花秋。撼撼紙

窗見送王元照。

女伴有誰來管領。春風總不如。梁元帝詩。春愁

有誰來。

杜牧之詩。管領春風。總不如。梁元帝詩。春愁

春自結。

李後主詞。繡床斜凭。嬌無那。鄭奎

妻詩。風釵斜壓。瑞香枝。柳耆卿詞。猶壓香衾臥。

又

烟鎖畫橋人病。燕子玉關歸信。報道負情儂。屈指還家

春盡休聽。休聽又是海棠開近。

梅村郊城曉發云。屈指歸期二月頭。此詞似代

閨人憶遠者。

蘇詩。烟鎖竹枝寒。陰子堅詩。畫橋長日

曲。玉關見行路難。西溪叢語。韓中令行次鳳洲爲絕

句云欲托雙魚附歸信 李涉詩報道花時也不開南  
史王敬則傳子仲雄作懊儂曲日常嘆負情儂 李詩  
春盡秋轉碧 孫夫人  
詞海棠開後望到如今

生查子

青鎖隔紅牆 撇下韓嫣彈花底 玉驄嘶立在垂楊岸

纖指弄東風 飛去銀箏雁 寄語畫樓人 留得春光半 情

○賈幼鄰詩千條弱柳垂青瑣 隔紅牆見琴河感舊  
漢書佞幸傳韓嫣字王孫弓高侯顏當之孫也 西京雜  
記韓嫣好彈以金爲丸 玉驄見彈琴歌 李義山詩  
斑駁只繫垂楊岸 琴賦飛纖指以馳驚梁簡文帝箏  
賦玩飛花之度窗看春風之入柳 命麗人于玉席陳寶  
器于執羅 銀箏見畫蘭曲 張子野咏箏詞 雁柱十三  
絃 鮑詩寄語後生子 畫樓見朱  
氏畫樓 崔澄瀾詩二月風光半

又

香煖合歡襦花落雙文枕嬌鳥出房櫳人在梧桐井

小院賭紅牙輸却蒲桃錦學寫貝多經自屑泥金粉

閨情

○合歡見子夜歌

嬌鳥見圓圓曲張茂先詩房櫳自

來風

秦少游詞

行到碧梧金井

紅牙見西泠閨咏

蒲桃見讚佛詩

貝多見送張玉甲

丙則屑薑與

桂字典屑碎末也王介甫詞泥金小小回文句金粉見

送沈

繹室

又 旅思

一尺過江山萬點長淮樹石上水潺潺流入清溪去

六月北風寒落葉無朝暮度樾與穿雲林黑行人顧

此玩

詞語意似應 召過淮時作○蘇詞咫尺江山分楚

越過江見贈蒼雪 杜詩萬點蜀山尖蘇詞波聲拍枕

長淮曉 潺潺見哭剖石 一統志清水墩堤在淮安

府清河縣界東 皮襲美詩盡日穿林樾玉篇楚人謂

兩木交蔭之下曰樾穿雲見

哭蒼雪 杜詩林黑鳥應棲

點絳唇 蕉團 蕉團見觀 華嚴會

細骨珊珊指尖拂處嬌絃語着水撩人點點飛來雨

撲罷流螢帳底輕風舉眠無主誤粘玉體印得紅絲縷

○細骨見蟬猴南楚新聞李泌辟穀身輕能行屏風上

每導引骨節珊然有聲宋玉神女賦拂墀聲之珊珊

張承吉詩彷彿還應露指尖陸魯望詩玉指弄嬌絃

楊誠齋詩密梅花發更撩人 蘇詞點點樓前細雨

杜牧之詩輕羅小扇撲流螢 毛文錫詞羅袂從風輕

舉 漢書王吉傳數以耍脆之玉體 王仲初織錦曲

紅霞蔽紫茸軟周美  
成詞枕痕一線紅生玉

浣溪沙

斷頰微紅眼半醒背人驀地下堦行摘花高處賭身輕

細撥薰爐香繚繞嫩塗吟紙墨欹傾慣猜閑事爲聰

明

閨詞○會真記雙臉斷紅而已黃昇詞沉水香銷夢

李

正已詩即便下階拜又怎禁驀地上心

見墮樓

梁簡文帝詩熏爐滅復香蘇詩繚繞香烟來

月下

杜詩墨淡字欹傾盧允言詩

愛捉狂夫問閑事杜詩水雪淨聰明

又

一斛明珠孔雀羅湘裙窳地錦文韉

集作窄地非

紅兒進酒

雪兒歌 石黛有情新月皎玉簪無力暖雲拖見人先

唱定風波

此伎席作○一斛明珠見圓圓曲孔雀見讚  
佛詩補注 李文山詩 裙拖六幅湘江水 尹

鴉詩鸞鳳衣裳香窈地

李詩 青黛畫眉紅錦鞵 紅見

見偶成雪兒見贈寇白門

徐孝穆玉臺新詠序南都

石黛最發雙蛾駱賓王詩眉頭畫月新

西京雜記武

帝過李夫人就取玉簪搔頭自此宮人搔頭皆用玉玉

價倍貴焉楊勉仁詩春光淡蕩暖雲生

東臯雜錄王

定國自嶺南歸出歌者柔奴勸酒東坡問以嶺南風俗

應是不好柔奴曰此心安處便為鄉東坡亦作定風波

詞其卒章云試問嶺南應不好為道此心安處便為鄉

### 菩薩蠻

江天漠漠寒雲白長橋客醉閒吹笛沙嘴荻花秋垂蘿

拂釣舟 危峯欲半倚仄徑蒼苔屐欲上最高亭遠山

無數橫

此望遠懷人之作○杜詩江天漠漠鳥雙去寒雲見贈劉雪舫

鄭德璘詩洞庭風軟荻花秋

李有中詩魚行細浪分沙嘴洛陽伽藍記懸葛垂蘿

庾子慎詩絕澗倒危峯

摩詰與裴秀才畫步仄徑

臨清流也蒼苔見讀佛詩

杜牧之詩莫上最

高層

又月曉遠山橫辛幼安詞可憐無數山

張如哉曰屐應

作履與倚叶

### 減字木蘭花 題畫

藤谿竹路鳥道無人雲獨過鹿柵猿栖布襪青鞋客杖

藜江頭尺鯉展罷生綃天欲雨記得曾遊古木包山

五月秋

前段咏畫後段寫意○王介甫詩曉步藤溪霜落後劉文房詩衆溪連竹路

鳥道見閬州行

參詩日沒鳥飛急山高雲過遲

王有鹿柵詩

青鞵布襪見六真歌注杖藜見訪吳永調

淮南子牛



蹄之滯必無尺鯉生綃見六真歌

古木包山見贈古如杜詩陂塘五月秋

張如哉曰詞韻路字在夫甫父過字在哥果箇路過

通叶如詩中十王京彈琴蟋蟀盆送志衍入蜀遣悶

第六首之以七虞二十寄通叶也古韻

又鯉通叶兩是以奇起氣叶魚兩御也

### 醜奴兒令

落紅已拂雕闌近八手枝低莫肯高飛費盡東風着力

吹分明燕子啣來到因甚差池墜在污泥惹動游絲

不自知

此咏落花○落紅見如夢令雕闌見圓圓曲杜詩卑枝低結子戰國策不可以高飛

工

晉卿詞經年費盡東君力詞名有東風齊着力秋子

羽詩天涯春色燕啣來詩差池其羽淮南子琰琬

之王在污泥之中梁書范縝傳如一樹花隨風而墮白

有拂簾幌墜于茵席之上自有關籬牆墜于溷糞之側

梁武帝詩  
曉暖矚游絲

又

溪橋雨過看新漲高柳鳴蟬荷葉田田指點兒童放鴨  
船前村濁酒沽來醉今夜凉天明月初圓一枕西窓

自在眠

此咏秋景○韓君平詩溪橋折筍游范致能詩  
今朝一雨添新漲陸士衡詩寒蟬鳴高柳

江南古詞蓮葉何田田指點見龍腹竹歌陸務觀詩  
借得南隣放鴨船前村見避亂濁酒見贈嵇叔子  
韋應物詩散步咏凉天蘇詩一枕黑甜餘  
西窓見次姜如須韻杜詩自在嬌鶯恰恰啼

又

低頭一霎風光變多大心腸沒處參詳做箇生疎故試

郎何須抵死催儂去後約何妨却費商量難得今宵

是乍涼

秋閨清拔在纏綿之中是詞家生面○低頭見子夜歌孟東野詩昨夜一霎雨詞名有風先

好

五代會要王朴上疏曰中書舍人賈儼參詳太常

樂事

劉克莊詩

磬折轉生疎

孫巨源詞何須抵死

催人去

後約見圓圓曲

史邦卿

詞又軟語商量不定

乍涼見蒲東

### 清平樂 題雪景

江山一派換出瓊瑤界凍合灘舟因訪戴沽酒南村誰

賣草堂風雪雙扉畫圖此景依稀再補吾廬佳處露

橋一笠僧歸

前段雪景後段是題字○王介甫詞一派秋聲入寥廓詩報之以瓊瑤蘇雪詩

凍合王樓寒

起粟杜詩樵麋倚灘舟李義山憶雪詩虛

乘訪戴船

呂聖求詞初過南村沽酒市

皮襲美詩

夏陰初合掩雙屏  
吾廬見送李友梅佳處見縹緲峯  
周美成詞念月榭攜手露橋吹笛一笠見西田詩

### 浪淘沙 題畫蘭

枉自苦凝眸  
腸斷歸舟依然明月舊  
南樓報道孫郎消  
息好楊柳風流  
花意落銀鈎一寸輕柔生綃不剪少

年愁看取幽蘭啼露眼  
心上眉頭

此答畫蘭女子○凝眸見朱氏畫樓

別

賦是以行子腸斷謝元暉詩天際識歸舟  
明月南樓  
用庾亮事見送龔孝升注  
孫郎見二十五日詩  
楊

柳風流見王郎曲跋

花意見畫蘭曲銀鈎見九友歌

元裕之詩纖絲弄輕柔  
生綃見六真歌

宋顯夫

詞更休教鄰曲偷窺幽蘭

啼曉露白詩葉含濃露如

啼眼

范希文詞眉間心上無計相迴避李易安詞纔

下眉頭却

上心頭

又端午

纏臂絲絲繩妙手心靈真珠嵌就一星星五色疊成方

勝小巧樣丹青刻玉與裁冰眼見何曾葫蘆如豆虎

如蠅旁繫纍絲銀扇子半黍金鈴

極力鋪排亦東京夢華錄之意○爾雅翼

荆楚之俗五月五日五絲纏臂謂為長命縷古詩直如

朱絲繩

妙手見二十五日詩參同契心靈本自悟

字彙嵌陷入中也皮襲美詩翠毫金縷一星星

袁伯

長詩翠標疊勝歲華移賀方回詞巧剪合歡羅勝子

巧樣見董白像

子山馬射賦刻玉而遊河辛幼安詞

鏤玉裁冰著句

元詩耳聞眼見為君說

陸務觀詩

恨渠不識小葫蘆高季迪詩書字細如蠅淮南王畢萬

術五月五日取蠅虎杵碎拌豆豆自踴躍可以擊蠅

夢華錄五月五日都人爭造百索文花銀樣鼓兒花花

巧扇

半黍見楚雨生行天寶遺事密綴金鈴繫於花

梢之

上

又 枇杷

羣芳譜枇杷一名盧橘樹形似琵琶故名本草綱目金橘盧橘注文選者以枇

杷為盧橘誤矣

上苑落金丸黃鳥綿蠻曉窓清露濕雕盤恰似戒珠三

百顆琥珀沉檀 纖手摘來看香色堪餐羅衣將褪玉

漿寒怕共脆圓同薦酒學得些酸

工於賦物○上苑見海戶曲金丸見生查

子注宋景文枇杷詞柯疊黃金丸

李山甫詩碧峯來

曉窓清露見西田詩張道濟詩雕盤裝草樹

戒珠見

戲贈蘇詩飽啖荔枝三百顆廣志枇杷四月熟大者如

雞子小者如龍眼 琥珀沉檀見戲贈 纖手見茉莉

陸士衡詩秀色若可餐 羅衣見子夜歌劉孝威詩

雕壺承玉漿楊廷秀枇杷詩漿流水齒寒 周美成梅

花詞相將見脆圓薦酒陶九成梅詞待一點脆圓成須  
信和羹問切張如哉曰脆圓謂梅子也梅子酸故云  
羣芳譜枇杷甘酸平無毒宋  
張孚休枇杷詩如蜜少加酸

吳詩集覽卷十九下

詩餘一之下

柳梢青

紅粉墻高風吹嫩柳露濕天桃扇薄身輕香多夢弱腸  
斷吹簫誰能一見相拋動人處詩成彩毫悵底星眸

窓前皓腕又是明朝

此贈伎之作○唐無名氏詩紅粉

身輕見浣溪沙

呂溫詩紙上香多蠹不成羅昭諫

詩任是無情亦動人

溫飛卿詩彩毫一畫竟何榮

崔牛詩明璫玉女動星眸

洛神賦接皓腕于神游兮

西江月

靈巖聽法



昔日君王舞榭而今般若經臺千年霸業總成灰只有

白雲無礙看取庭前柏樹那些石上青苔殘山廢塔

講堂開明月松間長在

此當與靈巖觀設戒同時作○劉夢得詩舞榭粧臺處處遮

蘇詩長誦金剛般若經廬山記晉沙門惠遠于廬山集

一時名士高僧會于般若臺霸業見登繇繇峯李詩

劫石乃成灰白詩了然無一礙張如哉曰傳燈錄

僧問如何是祖師西來意答云庭前柏樹子樓穎浣

紗石詩石上青苔思殺人杜詩殘山碣石開蘇州府

志靈巖禪寺宋太平興國初節度使孫承祐爲其姊吳

越國妃建磚塔于此講堂見

謁剖公王詩明月松間照

又詠別

烏鵲橋頭夜話櫻桃花下春愁廉纖細雨綠楊舟畫閣

玉人垂手 紅袖盈盈粉淚青山剪剪明眸今宵好夢

倩誰收一枕別時殘酒

深情高唱寫出名士風流○鳥鵲橋見驪山白詩能來夜話否

櫻桃花見琴河感舊序春愁見如夢令其三

巨源詞那更廉纖雨蘇詞點點樓前細雨綠楊船見孝

若山樓畫閣見鴛湖曲玉人見永和宮詞古西洲曲

欄干十二曲垂手明如玉歐陽永叔詞寸寸柔腸盈

盈粉淚韓致光詩側側輕寒剪剪風接柳村兼用剪

水雙瞳意明眸見銀泉山張建詩月影曉窓留好夢

高季迪詩冷香狼藉倩誰收一枕見

醜奴兒令李易安詞濃睡不消殘酒

氣韻逼真大蘇此

梅村詞之最高者

又 詠雪塑僧伽像

魏書釋老志所謂佛者本號釋迦

透出光明眼耳忍來冰雪心腸坐時兩手且收藏捏弄

兒童無狀 着體生成冷絮開門自在齋糧大千世界

儘銀裝到得來朝一樣

將雪字僧字組織成文○法苑珠林如來有六種光明般若經

六根者謂眼耳鼻舌身意根

莊子肌膚若冰雪

收

藏見讀西臺記

史記賈生傳

自傷為傳無狀

張如

哉曰生成冷絮暗用塵心已作枯泥絮李義山詩雪絮

相和飛不休

法華經觀自在菩薩行身般若波羅蜜

多時嚴正文詩齋糧谷鳥銜

華嚴經此三千大千世

界之中有百億須彌山沈存中詩銀裝背鬼打回回

### 南柯子 涼枕

頰印紅多暈釵橫響易尋美人一覺在花陰怕是耳珠

鈎住鬢雲侵 有分投湘簾無緣伴錦衾眼多啣溜為

知音受盡兩頭牽繫像人心

清麗入情各段後半更用意○蘇詩笑窺有紅頰又

曉日著顏紅有暈 釵橫見滿東沈自炳詞覺來枕畔  
玉釵猶響 王介甫詩驚回一覺游仙夢孫夫人詞一  
鈎羅襪行花陰 風俗通耳珠曰瑱白詩春黛雙蛾歛  
秋蟲兩鬢侵 韋應物詩相簾玲瓏透象床 錦衾見  
讀史有感 字典溜水溜下也禮審聲以知音 古  
捉搦歌中央有絲兩頭繫晏叔原詞牽繫玉樓人

又 竹夫人 蘇詩贈君無語竹夫人

玉骨香無汗從教換兩頭受人顛倒被人勾只是更無

腸肚便風流 嬌小通身滑玲瓏滿眼愁有些情性欠

溫柔怕的一時拋擲在深秋 游戲之作○蘇詞冰肌玉

衣裳 腸肚見子夜歌 嬌小見青門曲 玲瓏見琵琶

行白詩春嬌滿眼睡紅消 飛燕外傳謂為溫柔鄉

白詩不如此愁溫且柔 牛希濟詞恨郎拋擲淚濕羅衣薛大拙詩疎雨似深秋

鵲橋仙

園林晚霽池塘新漲明月窺人縹緲萬木陰森穿影過  
驚噪起一羣山鳥 纖雲暗度銀河斜轉露濕桂花香

悄少年此夜不須眠把鐵笛橫吹到曉

此咏夜景○祖詠詩霽日園林

好采延清詩晚霽江天好

曾純甫詩碧波新漲小池

塘

蘇詞一點明月窺人縹緲見送志衍

韋應物詩

秋深萬木疎溫飛卿詩書壁陰森九子堂

蘇詩鳥噪

猿呼晝閉門嵇叔夜詩山鳥羣飛

傅休奕詩纖雲時

髣髴在詩暗度南樓月

銀河見青門曲謝偃明河賦

百紫極以斜轉

王仲初詩冷露無聲濕桂花

鐵笛

見避亂張見蹟

詩還同橫笛吹

南鄉子 新浴

皓腕約金環艷質生香浸玉盤曲曲屏山燈近遠偷看

一樹梨花露未乾扶起骨珊珊裙袂風來怯是單  
楚秋

解切背立梧桐貪避影更闌月轉迴廊半臂寒艷詞○  
曹詩皓

腕約金環艷質見西田賞菊生香見玉京墓玉盤見

海戶曲張子野詞屏風曲曲闌紅牙  
李義山詩偷

看吳王苑內花白詩梨花一枝春帶雨  
岑參詩柳拂

旌旗露未乾按末二句暗用趙后遺事內窺浴事而明

用長恨歌中字也白詩侍兒扶起嬌無力骨珊珊見

蕉團李義山詩裙袂芙蓉小  
呂洞賓詞教人立盡

梧桐影酉陽雜俎王山人言人影不欲照水照井及浴

盆中古人避影亦爲此潘庭堅詞更闌折得梅花獨

自看沈自炳詞桐花月

轉迴廊半臂見子夜歌

### 又 春衣

玉尺剪裁工闌色衣衫巧樣縫深淺配來纖手綻重重

蒲紫蒲青雅澹中 斜領叩金蟲透肉生香寶袂鬆茜

袖半垂鴉襪淺從容百折羅裙細細風

平而映是福澤人語○玉尺見

楚雨生行歐陽永叔詩老手尙能工剪裁

楊廉夫詩

吳娃闌色櫻在口巧樣見題董白像

纖手見茉莉綻

見謝贈道衣

百詩裁綃裁錦一重重

謝靈運詩新

蒲含紫茸韓詩青青水中蒲周美成詞衣裳淡雅

捉搦歌可憐女子能照影不見其餘見斜領冥叔庠詩

寶葉細金蟲 周美成詞睡半醒生香透肉隋煬帝詩

寶袂楚宮腰類篇袂所以束衣也 本草茜今染絳茜

草也鴉襪見楚雲 字典折曲也羅裙見鴛鴦圍咏韓

致光詩抱柱

立時風細細

又 牡丹頭

高聳翠雲寒時世新粧喚牡丹豈是玉樓春宴罷金盞  
頭上花枝關合歡 着意畫烟鬢用盡元都墨幾丸不

信洛陽千萬種爭看魏紫姚黃總一般

李笠翁閒情偶寄極辨牡丹頭

之謬梅村此詞蓋賞鑒之○張子澄詞綠雲高綰字典

聳高也馮敬通顯志賦乘翠雲而相伴

白詩時世粧

時世粧出自城中傳四方又玉樓宴罷醉和春

岑

參詩岸柳拂金盤

嵇叔夜養生論合歡蠲忿烟鬢

見讚佛詩注

元都見題周櫟園墨癖詩唐書藝文志

秘書監季給上谷墨三百三十六丸

牡丹譜牡丹出

洛陽者爲天下第一

魏紫姚黃見望江南注

### 臨江仙 逢舊

落拓江湖常載酒十年重見雲英依然綽約掌中輕燈



前纔一笑偷解呀羅裙 薄倖蕭郎憔悴甚此生終負

卿卿姑蘇城外月黃昏綠窓人去住紅粉淚縱橫逸情傳上

非大蘇不能○杜牧之詩落拓江湖載酒行唐詩紀

事雲英鍾陵妓羅昭諫詩重見雲英掌上身莊子綽

約若處子掌中見聽朱樂隆注吳文英字君特詞一

笑燈前釵行兩兩春容麗情集崔懷寶詞呀羅裙上

放嬌聲薄倖蕭郎見琴河感舊卿卿字出晉書庾

徵傳又世說王安豐婦語張懿孫詩姑蘇城外寒山

寺林君復詩暗香浮動月黃昏蘇詩綠窓朱戶春晝

閑司空文明詩天涯去住淚沾巾紅粉見贈李雲田

杜詩四座

淚縱橫

此詞蓋為下玉京作歷落纏

綿聲情俱佳自屬集中高唱

張如哉曰油蔚贈別營妓卿卿詩日照綠窓人去住

鴉啼紅粉淚縱橫又此生終不負卿卿梅村此詞用

之

又過嘉定感懷侯研德

明詩綜侯滋字研德後更名涵字中德蘇州嘉

定縣學生鄉黨私謚貞憲先生有掌亭集

苦竹編籬茅覆瓦海田久廢重耕相逢還說廿年兵寒

潮衝戰骨野火起空城門戶凋殘賓客在淒涼詩酒

侯生西風又起不勝情一篇思舊賦故國與浮名

君房門第

多遷改當以此詞注之○白詩黃蘆苦竹繞宅生編籬見松鼠蘇詩新居已覆瓦海田見再寄三弟寒潮

見塗松晚發戰骨見蟋蟀盆歌白詩野火燒不盡空城見行路難門戶見送維夏北行劉越石答盧諶書

親友凋殘侯生見贈陳定生西風見江上不勝情見青門曲思舊賦見贈陸生浮名見別字令

醉春風 春思

門外青驄騎山外斜陽樹蕭郎何事苦思歸去去去燕  
子無情落花多恨一天憔悴私語牽衣淚醉眼偎人

覷今宵微雨怯春愁住住住笑整鸞衾重添香獸別離

還未

兩首俱妓館之詞此首是將別而挽留之○溫飛卿詩門外蕭郎白馬嘶青驄見琴河感舊

永叔詞

行人更在春山外徐師川詞胸中千種愁掛在

斜陽樹

蕭郎見琴河感舊 龍叔用詞無情燕子怕

春寒輕

失佳期 韋承慶詩落花相與恨一天見送

遠圖

百詩夜半無人私語時牽衣見維陽行 杜詩

桃花氣

暖眼自醉 歐陽永叔詞弄筆偎人久 陶詩微

雨自東來

春愁見如夢令 杜牧之詩將淚入鸞衾

香譜

香獸以塗金爲狻猊

空中以燃香

使烟自口出

又

眼底桃花媚羅襪鈎人處四肢紅玉軟無言醉醉醉小

閣迴廊玉壺茶暖水沉香細重整蘭膏膩偷解羅襦

繫知心侍女下簾鈎睡睡睡皓腕頻移雲鬟低擁羞眸

斜睇

○季文山詩眼底桃花酒半醺羅襪見楚雲西京雜記趙飛燕與女弟昭儀色皆如紅玉施肩

吾詩

酒人四肢紅玉軟小閣見西田詩回廊見虎邱

夜集圖

飛燕外傳后報合德以沉水香玉壺羅昭

諫詩

夜直鑪香細張仲舉詞重整釵鸞筆雁蘭膏見

戲贈其八

賀方回詞羞把香羅偷解更記淳于髡傳

羅襦襟解

盧仝詩指揮婢子掛簾鈎皓腕見柳梢

青

朱子詩落木髻鬟擁禮記疏不邪睇而視之

較李笠翁紀艷等

詞自有雅鄭之分

江城子

風鳶

唐書田悅傳以紙為風鳶高百餘丈

柳花風急賽清明小兒擎走傾城一紙身軀便欲上天

行千丈游絲收不住纔跌地條無聲憑誰牽弄再飛

鳴御風輕幾人驚江南二月聽呼鷹趙瑟秦箏天外響

彈不盡海東青

○百詩誰能更學兒童戲尋逐東風捉柳花風急見避亂續博物志今之紙

鳶引絲而上令小兒張口望視以洩內熱杜詩走過掣電傾城知又一行白鷺上青天周美成詞惟有

游絲千丈裊晴空軍承慶詩到地無一聲御風見

鵬杜退之呼鷹見百草堂觀劇楊子幼報孫會宗

書婦趙女也雅善鼓瑟曹詩秦箏何慷慨謝元暉詩秦

箏趙瑟海東青見海戶曲楊和吉溪京雜詠新腔翻

得涼州曲彈出

天鳶避海青

此詞似爲阮大鍼而作大鍼振附魏閹身麗逆案所謂上天跌地也南渡僞立爲馬士英所援蟒玉巡江所謂牽弄飛鳴也至呼鷹海青固爲襯貼寫字然風鳶卽風箏故用箏瑟字而又以箏瑟暗襯阮字也又大鍼字圓海故用海東

青字敢以質之論世者

張如哉曰後段江南上少二字與藉子瞻謝無逸諸詞不合疑漏刻草長二字也江南草長羣鶯亂飛邱希範語見送李退菴侍御注

### 千秋歲 題袁重其侍母弄孫圖

袁重其見贈田宗周後漢書馬

后紀吾但當含節弄孫

吳中佳士獨有袁絲耳營筆墨供甘旨但期慈母笑敢告吾勞矣願只願年年進酒春風裏少婦晨粧起抱

得佳兒侍珠一顆駒千里石麟天上送蠟鳳階前戲回

首道待看兒長還如此兩段末句最佳○晉書司馬承傳王敦曰太王雅素佳士

記袁盎傳字絳又天下所望者獨季心劇孟耳張喬詩何處營甘旨詩不敢告勞古樂府有將進酒

少婦字出東方朔傳白詩桃李晨粧靚司空文明詩蔡邕是佳兒梁書劉孺傳此兒吾家之明珠也五燈

會元既是一顆明珠學人爲甚不識漢書劉德傳武帝謂之千里駒南史徐陵傳天上石麒麟也又王

僧虔傳父曇首與兄弟集子孫任其戲適僧綽採蠟燭珠爲鳳凰

風八松 題和州守楊仲延所寄鷹阿山人戴君

畫

程迓亭曰戴大有字書年杭人善人物花鳥蘭竹尤佳見續圖繪寶鑑

長松落落蔭南岡亂山橫砌銀塘梅花消息經年夢慢

支頤老屋繩床棐几風吹散帙紙窓雨洗疎簷丹青

點染出微茫妙手過倪黃寒雲流水閒憑弔誰能認當

利橫江翰墨幽人小戴文章太守歐陽○遊天台山賦

南史沈慶之傳徒步歸南岡亂山見園次罷官銀塘

見訪霍魯齋李詩聞道春還未相識走傍寒梅訪消

息經年見呈李太虛支頤見和西田韻老屋見陸墩

詩岑參詩山月吐繩床棐几見玉京傳說文帙書衣

也紙窓見題畫社詩雨洗娟娟淨雍國鈞詩疎簷抽

晚筍點染見送遠圖微茫見宿福源精舍妙手見

二十五日詩倪雲林黃子久并已見寒雲見遇劉雪

舫一統志當利浦在和州東南大江之別浦也橫江

浦在和州東南橫江河在和州南一里許翰墨見觀

通天帖易幽人貞吉漢書儒林傳戴聖號小戴以博士

論石渠至九江太守歐陽永叔詞文章太守揮毫

萬字一飲千鍾醉翁亭記太守為誰廬陵歐陽修也



按詞律載風入松凡三體而皆與此詞小異吳文英詞尙爲近之然前段第二句飛作楚雲狂乃五字句後段慰溪橋流水昏黃慰字用仄橋字用平亦與此詞異俟考

### 紅林擒近 春思

龜甲屏還掩博山香未焦鸚鵡煖猶睡曉鶯上花梢醒來擡身半晌細雨濕夢無聊女伴戲問春宵笑頰暈紅

潮黛眉新月偃羅襪小蓮初更衣攏髻背人自折櫻

桃怨玉郎起早日長倦繡小樓花落吹洞簫

將細雨夢回錐塞遠

小樓吹徹玉笙寒衍爲兩段矣○

洞冥記上起神明臺

上有金床象席雜玉爲龜甲屏風

博山見行路難注

韓致光詩韓壽香焦亦能偷

司空表聖詩滿鴨香薰

鸚鵡睡溫飛卿詩籠中嬌鳥煖猶睡

黃會直詩君看

花梢朝露 篇海昀午也 王詩草色全經細雨濕  
曾詩濕雲如夢雨如塵司空表聖詩花落夢無聊  
女伴見彈琴歌白詩芙蓉帳煖度春宵 韋端已撫楫歌  
笑頰兮花嬌蘇詞玉顏醉裏紅潮 戰國策權衡犀角  
偃月王廣津詩惟看新月吐娥眉 羅襪見楚雲張如  
哉日蓮初用潘妃步步生蓮花事類篇初襪頸也 更  
衣出史記外戚世家韓致光詩無言攏髻時 櫻桃見  
青門曲 季巨山詩玉郎猶未歸 袁伯長詩美人倦  
繡態橫陳 季後主詞小樓昨夜又東風洞簫見行路難

金人捧露盤

觀演秣陵春

按秣陵春梅村所作傳奇也

記當年曾供奉舊霓裳嘆茂陵遺事淒涼酒旗戲鼓買  
花簪帽一春狂綠楊池館逢高會身在他鄉 喜新詞  
初填就無限恨斷人腸爲知音仔細思量偷聲減字畫

堂高燭弄絲簧夜深風月催檀板顧曲周郎

此詞與琵琶行我亦

承明侍至尊一段語意相似但觀自作之劇更覺惘然耳○供奉見王郎曲霓裳見琵琶行茂陵見永和宮

詞遺事見琵琶行季長吉詩試問酒旗歌板地劉

詵詩紙旗戲鼓祭叢祠于國寶詞一春費盡買花錢

陸務觀詩簪帽憑誰揀好枝綠楊見避亂池館見哭

志衍高會見遇劉雪舫蔡伯喈詩忽覺在他鄉填

詞見琵琶行季詩解釋春風無限恨孟詩天涯一

望斷人腸周美成詞仔細端相知音見說無雙楊

補之詞偷聲減字不怕人腸斷杜牧之詩畫堂檀板

秋拍碎高燭見西田賞菊絲簧見虎邱夜集圖風月

見半園秋君復詩不須檀板共金尊

吳志周瑜傳曲有誤周郎顧

柳初新 閨思

畫欄深鎖鴛鴦暖照素影花枝軟綠雲斜暈  
音寶釵欲

墜倦起日高猶嬾嗔道是風簾捲半擡身慵開嬌眼

閣外青山點點問平疇綠蕪誰慘玉驄嘶去欲窺還避

肩倚侍鬟微掩凝望處雙眉歛似不禁燕拘鶯管閣外青山

二句最佳○李才江詩遙想清才倚畫欄許仲晦詩樓

臺深鎖無人到杜詩沙暖睡鴛鴦萬齊融詩素影沉

沉對蝶飛蔣竹山詞我愛荷花花最軟晏叔原詞綠

雲斜艸金釵墜百詩日高猶睡綠窓中謝元暉詩

風簾入雙燕李易安詞簾捲西風舊堯賓詩雙眼慵

開玉筍斜蘇詞紫損愁腸困酣嬌眼潘庭堅詞閣下

溪聲閣外山百詞吳山點點愁陶詩平疇交遠風百

詩孤城覆綠蕪張如哉曰慘字本杜詩慘徑楊花鋪白

毡玉驄見彈琴歌江詩凝望信長懷李重

規詩嬌嚬眉際歛孔平仲詩千枝花葉誰拘管

發乎情止乎禮義詩教也後

半段似有越思或以示戒與

吳詩集覽卷二十上

黎城靳榮藩介人輯

詩餘二之上 長調

意難忘

山家

見查灣過友人飯

村塢雲遮有蒼藤老幹翠竹明沙溪堂連石穩苔徑逐  
籬斜文木几小窓紗是好事人家啟北扉移床待客百  
樹梅花 衰翁健飯堪誇把瘦尊茗椀高話桑麻穿池  
還種柳汲水自澆瓜霜後橘雨前茶這風味清佳喜去  
年山田大熟爛熳生涯

○庾詩依稀映村塢杜詩浮雲薄漸遮  
〔又〕翠木蒼藤日月昏

戴復古詩老幹百年久  
元暉臨楚江賦明沙宿莽  
言詩苔徑綠無塵  
吳氏女子詩西風不入小窓紗  
好仙術雲門山下有石崖縋而下忽有臺宇道士四五  
人囑清曰汝遊此院宇慎勿開北扉  
移床見園居  
衰翁見過姜給事健飯見得友人札  
李有癭木尊詩  
茗椀見觀王石谷畫  
高話見送周子似  
孟詩把酒話  
桑麻  
穿池見望江南種柳見送純祐  
南史沈麟士  
傳負薪汲水晉書苻堅載記澆瓜之惠梁宋息兵  
孟  
詩金子耀霜橘  
采史食貨志建寧臘茶北苑為第一  
其最佳者曰社前次曰火前又曰雨前  
開元傳信記  
麴生風味不可忘也楊誠齋詩草光葉潤亦清佳  
後  
漢書淳于恭傳家有山田果樹書秋大熟  
爛漫見海  
戶曲生涯見  
塗松晚發

滿江紅

題畫壽總憲龔芝麓

楚尾吳頭僅斗大孤城山縣正遇着青絲白馬西風傳  
箭歸去秦淮花月好召登省閣江山換更風波黨籍總  
尋常思量遍 文史富才名擅交與盛聲華健正三公

開府張燈高宴綠髻功名杯在手青山景物圖中見待

他年揀取碧雲峯歸來羨壽龔詩有賀監歸來語詞中亦羨歸來與泛然壽詞不同

○朱子詩春回楚尾吳頭南史宗慤傳爲豫州曰慤

年六十得一州如斗大不能復與典籤共臨之山縣見

送永城令按此指芝麓令靳水時梁書侯景傳普通

中童議曰青絲白馬壽陽來傳箭見遇南廂園叟

秦淮見閩州行後漢書馮衍傳子豹舉孝廉拜尚書

郎每奏事未報常俯伏省閣晉書王導傳舉曰有江山

之異風波見駕湖曲王明清揮麈後錄紹聖改元章

惇爲左僕射蔡卞迎合由是立元祐黨籍思量見觀

秣陵春 文史見送李雲田 才名見壽龔芝麓 易  
上下敵應疏交皆峙敵不相交與故曰上下敵應不相  
與也 聲華見送何省齋 聞府見老妓行 高達天  
詩高館張燈酒復清 南史沈炯傳指柏梁而高宴 吳  
叔庠詩綠髻愁中改 沈會宗詞景  
物因人成勝槩 江詩平明登雲峯

又 白門感舊

松栝凌寒掛鍾阜 玉龍千尺記那日 永嘉南渡蔣陵蕭  
瑟羣帝翱翔騎白鳳 江山縞素觚稜碧 躡麻鞋血淚灑  
冰天新亭客 雲霧鎖臺城 戟風雨送昭邱 柏把梁園  
宋寢燒殘赤壁破 衲重游山寺冷 天邊萬點神鴉黑 羨  
漁翁沾酒一蓑歸扁舟笛

高唱入雲兼寫出作者身分  
張如哉曰此遇雪而感舊



也玉龍白鳳縞素氷天明點雪字次段暗寫雪字○松  
栢見雒陽行李詩誰知凌寒松千載長守一按鍾阜  
卽鍾山羅昭諫詩玉龍無主渡頭寒王子端詩掛鏡臺  
西掛玉龍永嘉南渡見送子儼青瑯蔣陵見鍾山  
蕭瑟見彈琴歌謝元暉詩秉玉朝羣帝詩將翺將翔  
子山象戲賦白鳳遙臨縞素見圓圓曲觚稜見行路  
難杜詩麻鞋見天子淚灑氷天見贈遼左故人注  
晉書王導傳過江人士每至暇日出新亭飲宴周顗  
中坐而歎相視流涕殷璠詩雲鎖木龕聊息影黃魯  
直三笑圖贊霧鎖雲埋臺城見臺城史記龜策傳  
風雨送之昭邱見永和宮詞梁園魏寢見後東臯  
歌燒殘赤壁見東南風注長阿含經尊者迦葉着  
敗衲衣劉孝綽詩天邊生岸影姜特立詩璇霄烏萬  
點神鴉見黃河鄭守愚雪詩漁人披得一簑歸梅  
聖俞詩迴聞孤舟笛

又過虎邱申文定公祠

明史申時行傳字汝默長洲人以左侍郎兼東

閣大學士累進少傅吏部尚書建極殿贈太師  
謚文定蘇州府志申文定公祠祀明大學士時

行一祠  
在虎邱

相國祠堂看古樹蒼崖千尺聽斷澗轆轤聲緊闌干吹

笛士女嬉游燈火亂君臣際會松杉直任年年急雨打

荒碑兒童識今古恨興亡蹟白社飲青門客歎三公

舊事吾徒蕭瑟歌舞好隨時世改溪山到處還堪憶儘

浮生風月倒金尊千人石

前段申祠後段感懷繫之○杜詩丞相祠堂何處尋

林集于古樹蒼崖見臨江泰軍

水經注斷澗為城

轆轤見柳毅井陸務觀詩獨倚欄干吹玉笛

嬉游見陸天乙畫蘇詞望長橋上燈火亂使君還

杜詩君臣已與時際會又古廟松杉巢水鶴又急雨梢

詩君臣已與時際會又古廟松杉巢水鶴又急雨梢

溪足白社見後東臯歌 青門見青門曲舊事見  
歸國浮生見二十五日詩 風月見半園謝靈運詩 金  
樽盈清醕千人  
石見虎邱夜集圖

又

讀史

王介甫有讀史詩

顧盼雄姿數馬稍當今誰比論富貴刀頭取辦只應如  
此十載詩書何所用如吾老死溝中耳願君侯誓志掃  
秦關如江水 烽火靜淮淝壘甲第起長安裏尙輕他  
絳灌何知程李揮塵休譚邊塞事封侯拂袖歸園里待

公卿置酒上東門功成矣

此贈將帥之作而以讀史命題意所贈者非其人也○顧

盼見雁門尙書行傳休奕鷹賦雄姿邈世馬稍見哭  
志衍南史周盤龍傳子奉叔就帝求千戶侯忽謂蕭

謹曰若不能見與千戶侯不復應減五百戶不爾周郎  
當就刀頭取辦耳史記陸賈傳安事詩書漢書朱  
買臣傳妻志怒曰如公等終餓死溝中耳君侯見贈  
馬督府白詩誓志居巖扃張如哉曰晉書王鎮惡傳咸  
陽不克誓不濟江誓志句暗用之駱賓王詩秦塞重  
關一百二蘇詩有田不歸如江水烽火見閬州行  
淮淝見壽申青門甲第見送杜炭武史記淮陰  
侯傳蓋與絳灌等列絳灌見讀史偶述史記魏其武  
安侯傳今日斬頭陷胸何知程李乎按程不識李廣  
揮塵見寄周芮公序史記三王世家待罪行間宜專邊  
塞之思慮拂袖見送何省齋歸田見贈吳雪航後  
漢書疏廣傳公卿大夫故人邑子設祖道供帳東都門  
外上東門見洛陽行晉書羊祜傳既定邊事當角巾東  
路歸故里為容棺之墟疏廣是吾師也老子功成而  
居不

## 又感舊

滿目山川那一帶石城東  
治記舊日新亭高會人人王  
謝風靜旌旗瓜步壘月明  
鼓吹秦淮夜筭北軍天塹隔  
長江飛來也 暮雨急寒潮打蒼鼠竄宮門  
北看雞鳴

埭下射雕盤馬庾信哀時惟涕淚登高却向西風灑問

開皇將相復何人亡陳者

與白門感舊同意彼首所感者家國此首所感者身世也

○李巨山詩山川滿目淚沾衣

韓持國潤州詩一帶

分江紀石城見哭志衍一統志治城在江寧府上元縣

西輿地紀勝東冶亭在城東八里新亭見白門感舊

南史侯景傳王謝門高瓜步見送周子俶宋史

樂志鼓吹者軍樂也秦淮見閬州行天塹三句見讀

史雜感注劉夢得詩潮打空城寂寞回杜詩蒼鼠

竄古瓦一統志雞鳴埭在上元縣南射雕見雪中

遇獵魏書傳永傳年逾八十猶能馳射盤馬奮稍杜

詩詞客哀時且未還又庾信平生最蕭瑟  
應將別淚灑西風按開皇隋文帝年號未三句卽感秦者秦也之意

又

詩酒溪山足笑傲終焉而已回首處亂雲殘葉幾篇青  
史昔日兒童俱老大同時賓客今亡矣看道傍爭羨錦  
衣郎曾如此遭際盛聲名起跨燕許追蘇李苟不知  
一事吾之深恥年少卽今何所得孝廉聞一當知幾論  
功名消得許多才偶然耳此南歸後詠懷之作○笑傲見贈李笠翁  
晉書王羲之傳初渡浙江便有終焉之志  
詩林高葉早殘青史見遺悶老大見送何省齋

史記項羽紀富貴不歸故鄉如衣錦夜行耳唐書蘇  
頌傳與張說以文章顯稱望畧等故時號燕許大手筆  
又蘇味道傳與里人李嶠俱以文翰顯時號蘇李又  
宋之問傳蘇李居前沈宋比肩謂蘇武李陵也後漢  
書張衡傳耻一物之不知南史陶宏景傳讀書萬餘卷  
一事不知以爲深耻後漢書左雄傳孝廉徐淑年未  
及舉雄詰之曰顏回聞一知十孝廉聞一知幾耶羅  
虬詩費得微之爾許才後漢書劉昆傳詔問昆曰江  
陵反風滅火宏農虎北渡河  
何德政而致是對曰偶然耳

又 贈南中余澹心

篋衍集余懷字澹心福建莆田人

綠草郊原此少俊風流如畫儘行樂溪山佳處舞亭歌  
榭石子岡頭聞奏伎瓦官閣外看盤馬問後生領袖復  
誰人如卿者 雞籠館青溪社西園飲東堂射捉松枝

麀尾做些聲價賭墅好尋王武子論書不減蕭思話聽

清譚疊疊逼人來從天下澹心倚蘇杭最久蓋高尙之士而隱於聲色間者此詞足

以表之○梁昭明太子七契碧樹初藥綠草含滋蕭子範詩郊原共超遠錢仲文詩少俊蔡邕許蘇詞江山

如畫行樂見行路難注佳處見縹緲峯戴良詩荒基記歌榭石子岡見鍾山奏伎見老妓行一統

志昇元閣在江寧縣西南輿地紀勝昇元閣又名瓦官閣乃梁朝所建高二百四十丈盤馬見感舊晉書胡

母輔之傳誠為後進領袖也吳志孫策傳我不如卿雞籠館見雞鳴寺注青溪見清風使節圖曹詩

清夜遊西園南史庾悅傳劉毅在京口與卿曲往東堂共射松枝麀尾見閨園詩後漢書袁紹傳袁本

初坐作聲價賭墅見送沈繹堂晉書王濟傳字武子宋書蕭思話傳南蘭陵人好書史庾子慎書品蕭思

話書走墨連綿字勢屈強清譚見哭志衍晉書謝安傳此客齊疊為來逼人漢書周勃傳以為將軍從天

傳此客齊疊為來逼人漢書周勃傳以為將軍從天



而下也

尤展成和韻對酒當歌君休說麒麟圖畫行樂耳柳  
枝竹葉風亭月榭滿目山川汾水雁半頭霜雪燕臺  
馬問何如變姓隱吳門吹簫者蘭亭祇香山社桐  
江釣華林射更平章花案秤量詩價作史漫留牛馬  
走詠懷却喜漁樵話看孟  
光把盞與眉齊皋橋下

又重陽感舊

把酒登高望北固崩濤中斷還記得寄奴西伐彭城高  
譙飲至凌歊看馬射秋風落木堪傳箭歎黃花依舊故  
宮非江山換獨酌罷微吟倦斜照下東籬畔念柴桑  
居士高風誰見佳節又逢重九日明年此會知誰健論

人生富貴本浮雲非吾願

前段懷舊後段自詠俱用重陽點綴○把酒見送志衍登

高見虎邱卽事

北固見九友歌

南史宋武帝紀小

字寄奴彭城縣綬興里人按西伐指義熙十三年剋長

安禽姚泓也彭城高譙指爲宋公在彭城九日出項羽

戲馬臺譙集也一統志彭城故城今徐州府治高宴見

壽龔芝麓左傳隱五年歸而飲至凌猷見海戶曲子

山有華林園馬射賦傳箭見遇南廂園叟黃花見

後東臯歌故宮見雒陽行江山換見壽龔芝麓詞

杜詩重陽獨酌杯中酒魏文帝詩短歌微吟不能

長王子安詩斜照移仙影東籬見西田賞菊柴

桑見送李友梅居士見閬園詩王九日詩每逢佳節

倍思親杜九日詩明年此會知誰健楊子勿報孫

會宗書人生行樂耳須富貴何時歸去來辭富貴非

願吾

又 賀孫本芝壽兼得子

程迂亭曰本芝名朝讓常熟人蘇州府志朝讓

字光甫崇禎辛未進士由刑部員外出知泉州府陞建南道進按察使陞江西布政使未赴而明亡優游林泉四十餘年年九十而終

老矣君謨曾日啖荔枝三百拂袖去筍輿芒屨彈琴吹

笛九日登高黃菊酒五湖放棹青山宅論君家住處本

桃源仙翁石門第盛芝蘭集五福滿雙珠出看龍文

驥子鳳毛殊特竹馬鳩車堦下繞朱顏綠髻尊前立問

今朝誰捧碧霞觴同年客前段賀壽後段兼賀得子同年捧觴仍點壽字○宋史蔡

襄傳字君謨倦遊雜錄蔡君謨亦著荔枝譜次句見

贈穆大苑先拂袖見送何省齋筍輿見縹緲峯芒

孺見贈願雲師張如哉曰五湖放棹暗用范蠡事稿

叔夜詩放擢投竿李詩宅近青山同謝朓崔顥詩君

長詩集卷之二十一上

家住何處

梅村壽陸孟鳧詩自注常熟有桃源澗

又孫孝維贈言

自注孫氏之先遇仙於烏目山之大小石

唐書柳玭傳

戒子曰凡門第高可畏不可恃芝蘭

見忝谷畫蘭

三輔決錄韋康字元將弟誕字仲將孔

融與其父書曰不意雙珠近出老蚌

北史裴延儁傳

二子景鸞景鴻並有逸才河東呼景鸞為驥子景鴻為

龍文

南史謝超宗傳鳳子超宗帝曰超宗殊有鳳毛

杜氏幽求錄子年五歲有鳩車之樂七歲有竹馬之

歡秦少游詞把綠髻朱顏一時留住 舊

堯賓詩方士飛軒駐碧霞酒寒風冷月初斜

天香樓偶得槎菴小乘曰今人稱佳子弟為鳳毛以

為始於謝超宗因超宗父名鳳故稱曰鳳毛不知王

邵風姿似其父導桓大司馬曰大奴

固自有鳳毛其事已在超宗前矣

### 又 感興

老子平生雅自負交游然諾今已矣結茅高隱溪雲生

閣暇日好尋鄰父飲歸來一枕松風覺但拖條藤杖笋

鞋輕湖山樂也不赴公卿約也不慕神仙學任優游

散誕斷雲孤鶴健飯休嗟容髯改此翁意氣還如昨笑

風塵勞攘少年場安耕鑿

玩此詞意梅村其有憂患乎

興復不淺

袁陽源

詩意氣深自負

交遊見贈王杏

翁然諾見哭志衍

鮑詩結茅野中宿

許仲晦詩溪

雲初起日沉閣

韓非子

其鄰人之父亦云杜有遭田

父泥飲詩

晉書陶潛傳

高臥北窓之下清風颯至自

謂義皇上人

王和甫詞

稱瀟湘一枕南柯按此兼用陶

宏景特愛松風語

朱希真詞

拖條竹杖家家酒張文

昌詩畫苔藤杖細踏石笋輾輕

詩優游爾休矣散誕

見二十五日詩

杜詩

低空有斷雲隋煬帝詩孤鶴近

追羣

健飯見得友人札

劉希夷詩此翁白頭真可

憐意氣見贈李雲田

古樂府有結客少年場行

高

達夫詩一  
身與耕鑿

又 蒜山懷古  
蒜山見寄  
周芮公

沽酒南徐聽夜雨江聲千尺記當年阿童東下佛狸深  
入白面書生成底用蕭郎裙屐偏輕敵笑風流北府好

譚兵叅軍客 人事改寒雲白舊壘廢神鴉集儘沙沉

浪洗斷戈殘戟落日樓船鳴鐵鎖西風吹盡王侯宅任

黃蘆苦竹打荒潮漁樵笛  
此首咏鎮江府事聲情悲壯  
不必沾煞明末事也○南徐

見贈馮訥生  
見次走馬詩  
按佛狸魏道武小字深入見臨江叅軍

曰面書生見揚州注  
蕭郎見贈蕭明府裙屐見贈  
馮訥生輕敵見壽龔芝麓  
北府風流見寄周芮公

叅軍見臨江叅軍

陸虔展詞

烟月不知人事改寒

雲見遇劉雪舫

劉夢得詩

故壘蕭蕭蘆荻秋

辛幼

安北固懷古詞

佛

狸祠下一片

神鴉社鼓

杜牧之詩

折戟沉沙鐵未消

劉夢得詩

王濬樓船下

益州又干

尋鐵鎖沉江底

杜詩

王侯第宅多新主

百詩黃蘆苦竹繞宅生

打荒潮見感舊注

張如哉曰此詞俱切鎮江說晉書王濬傳太康元年

濬發自成都率巴東監軍廣武將軍唐彬攻吳丹陽

尅之又濬上書自理曰臣被詔之日卽便東下阿童

東下用此南史宋文帝紀元嘉二十七年魏太武率

大衆至瓜步聲欲渡江都下震懼內外戒嚴緣江六

七百里舳艫相接二十八年太武俘廣陵居人萬餘

家以北佛狸深入用此南史沈慶之傳元嘉二十七

年文帝將北侵慶之固陳不可時丹陽尹徐湛之吏

部尙書江湛並在坐上使難慶之慶之曰今欲伐國

而與白面書生輩謀之事何由濟白面句用此蕭郎

字本梁武帝紀指梁武帝蕭斌也沈慶之傳慶之與

指蕭深藻而此詞則借指蕭斌也沈慶之傳慶之與

蕭斌留守碣磝王元謨攻滑臺積旬不拔魏太武大  
軍南向斌遣慶之將五千人救元謨慶之曰少軍輕  
往必無益也又慶之曰蕭斌婦人不足數蕭即羣屐  
偏輕敵用此晉書郗超傳超爲桓溫叅軍時父愔在  
北府溫恒云京口酒可飲兵可用又謝安笑曰郗生  
可謂入幕之賓矣笑風流北府三句兼用此阮亭所  
云能驅使南北史爲詞也

又 壽金豈凡相國七十

豈凡卽曹村  
相國見五律

雒社耆英高會處門前雙戟風景好沙堤花柳錦堂琴  
瑟北叟南翁須健在東封西禪何時畢美蒼生濟了袞  
衣歸神仙客 法醞美雕薪炙燈火炤笙歌席正朱樓  
雪滿早梅消息矍鑠青山霜鏗馬歡娛紅粉春泥展願



百年父老進霞觴昇平日

時相國已告歸矣故壽詞皆家居語○朱子名臣言行錄

文潞公彥博元豐五年以太尉留守西都時富韓公以司徒致仕公慕唐白樂天九老會乃集洛中公卿大夫年德高者爲耆英會以洛中風俗尙齒不尙官就資聖院建大厦曰耆英堂閩人鄭奩繪象堂中時富公年七十九公與司封郎中席汝言皆七十七朝議大夫王尚恭年七十六太常少卿趙丙秘書監劉几衛州防禦使馮行已皆年七十五天章閣待制楚建中朝議大夫王慎言皆年七十二大中大夫張問龍圖閣直學士張燾皆年七十時宣徽使王拱辰留守北京貽書潞公願預其會年七十一獨司馬溫公年未七十潞公素重其人用唐九老狄兼謨故事請入會雙戟見後東臯歌杜詩自是江南好風景唐故事宰相初拜京兆使人戴沙填路白私第至於城東街名沙隄歐陽永叔有畫錦堂記杜詩垂白辭南翁委身希北叟健在見壽孫子長東封見九峯歌蒼生見龍腹竹歌杜詩整頓乾坤濟時了詩是以有袞衣兮無以我公歸兮

白詩美醞香醪嫩雕薪見長平主詩白詩笙歌歸  
院宇燈火下樓臺朱樓見揚州僧齊已有早梅詩  
李詩走傍寒梅訪消息嬰鑠見又咏古杜詩結束  
多紅粉歡娛恨白頭寶鞏詩馬踏春泥半是花高道  
素上元賦霞觴羽飛

昇平見琵琶行

### 又壽顧吏部松交五十

蘇州府志顧子咸字小阮長洲人順治丁亥進

士晉寧山陰知縣擢刑部主事調吏部遷考功員外移疾歸有諸生十八人面詰吳縣令不法事巡撫朱國治庇令密告會勘大臣逮子咸繫獄坐以指使論絞奉旨復官尋以奏銷案落職居鄉風裁峻整為後進所憚按詞中有眼底羊腸天邊鰐浪當在其繫獄落職以後也

拂袖歸來閑管領烟霞除目算得是與人無競高飛黃  
鵠眼底羊腸逢九坂天邊鰐浪愁千斛脫身時還剩辟

疆園浮生足 樽洒在殘書讀拳石小滄洲綠有風亭

月榭醉彈絲竹嫩籜雨抽堂下筍蒼皮霜洗窗前木倩

丹青寫出虎頭癡山公屋前段寫其脫險後段是園居之趣○拂袖見送何省齋

管領見如夢令唐書隱逸傳田游巖烟霞痼疾除目見送沈旭輪張子壽詩無心與物競戰國策黃鵠

奮其六翮而凌清風飄搖于高翔自以為無患與人無爭也史記正義羊腸坂在太行山上九坂見送何省

齋按鰐浪如陸務觀詩鯨浪浮天信所之歐陽永叔詩荆江畏蛟浪之類比也愁千斛見讀西臺記脫身

見又咏古晉書王獻之傳嘗經吳郡聞顧辟疆有名園浮生見二十五日詩杜詩草堂尊酒在薛大

拙詩就床吹落讀殘書滄洲見九友歌溫飛卿詩月榭風亭繞曲池絲竹見老妓行歐陽永叔詩嫩

籜筠粉暗韓詩或亂若抽筍杜詩蒼皮成委積孟東野詩霜洗水色盡名畫記晉顧愷之字長康小字虎

頭晉書顧愷之傳俗傳愷之有三絕才絕癡絕畫絕

山公見茸城行按未二句譏顧吏部三字也

按良齋雜說顧松交顧舊來兩吏部同時歸里聲勢赫奕有一顧傾人城再顧傾人國之譏其在此詞以前乎

滿庭芳 孫太初太白亭落成分韻得林字

湖州府志

太白亭在道場山孫一元墓前知府吳綰立別見七言律

鐵笛橫腰鶴瓢在手烏巾白袷行吟仙蹤恍惚埋玉舊  
烟林多少唐陵漢寢王孫夢一樣銷沉殘碑在高人韻  
士留得到而今 雲深來此地相逢五隱白石同心喜  
今朝吾輩酌酒登臨忽聽松風驟響蘇門嘯髮髯遺音

歸來晚峯頭斜景明日約重尋

前段從太初說到墓又以漢唐之墓作對照也

後段詠落成意思深摯張如哉曰太初秦人或曰安化

王裔故用唐陵漢寢王孫夢等語○明史孫一元傳太

初踪跡奇譎烏巾白恰攜鐵笛鶴瓢遍遊中原庾詩橫

腰帶錦心楚辭行吟澤畔張子壽詩空想列仙蹤

老子恍兮惚兮晉書庾亮傳埋玉樹於土中使人情

何能已溫飛卿詩獨此卧烟林一統志太初卒葬道場

山林景熙詩唐陵愁問永和帖徐孝穆詩漢寢若龍

川王孫見汴梁銷沉見茸城行殘碑見讚佛詩

按高人韻士指劉麟龍霓等所謂若溪五隱也見七律

注白石見新都易同心之言其臭如蘭酌酒見陳

徵君祠孟詩我輩復登臨南史陶宏景傳特愛松風

每聞其響欣然為樂蘇門嘯見高士圖注禮有遺音

矣張見贇詩歸雲向谷晚峯頭見讚佛詩褚希

明詩斜影照殘虹王詩再尋畏迷悞明發更登歷

張如哉曰白恰帽也白恰衣也史作

恰詞作恰一統志亦作恰宜從恰

六么令 詠桃

一枝穠艷蘸破垂楊色到處倚墻臨水裝點清明陌障  
袖盈盈粉面獨倚斜柯立深紅淺白無言忽笑鬪盡鉛  
華半無力 年年閒步過此柳下人家識烟臉嫩霧鬢  
斜腸斷東風客燕子欲來還去滿地愁狼藉芳姿難得  
韶光一片囑付東君再三惜 此借桃以見意前段就花  
說後段就看花說似意有  
所屬也○李詩一枝穠艷露凝香說文蘸以物投水  
也趙德莊詞看波面垂楊蘸綠王介甫詩倚墻斜日  
數枝紅杜詩短短桃花臨水岸翁文堯詩雨中粧點  
望中黃趙德仁詞陌上清明近周美成詞障風映袖  
盈盈笑語柳耆卿詞攬粉面雲鬢相亞本事詩崔護  
清明游城南得村居叩門曰酒渴求飲女子啟關以孟

水至獨倚小桃柯竚立而屬意殊厚〔柳耆卿詞〕惟是  
深紅淡白而已〔王荀子〕桃李不言〔崔殷功詩〕桃花依舊  
笑春風〔又〕鉛華見玉京墓〔周美成詞〕柳下人家猶自  
相識〔又〕自別河陽長負露房烟臉〔杜詩〕香霧雲鬟  
濕燕羅昭諫詠桃詩回首東風一斷腸〔張子野詞〕當  
時去燕還來〔柳耆卿詞〕畫樑紫燕對對對泥飛來又去  
〔周美成詞〕亂花過隔院芸香滿地狼藉〔楊衡〕白紵  
歌芳姿艷態妖且妍〔李延年歌〕佳人難再得〔唐太宗〕  
〔詩〕韶光開令序〔趙長卿詞〕一種春光占  
斷東君惜〔周美成詞〕更把茱萸再三惜

燭影搖紅 山塘卽事

踏翠尋芳柳條二月春風半泰娘家在畫橋西有客金  
錢宴道是留儂可便細沉吟迴眸顧盼繡簾深處茗椀  
爐烟一床絃管惜別匆匆明朝約會新亭館扁舟載

酒問嬋娟驀地風吹散此夜相思豈慣孤枕宿黃蘆斷

岸巖城鐘鼓凍雨殘燈披衣長歎

此詞蓋爲楚雲而作卽所謂二月相逢約

玩花也

○白詩奉芳踏翠弄潺湲詞名有倦尋芳

晏

叔原詞

春入柳條將半崔澄欄詩二月風光半

泰娘

家見重贈楚雲陰子堅詩畫橋長且曲蔣竹山詞過窈

娘堤秋娘渡泰娘橋

杜詩何時詔此金錢會爛醉佳

人錦瑟傍

隋煬帝詩留儂不留儂不留儂也去

沉

吟見送何省齋迴眸見畫蘭曲王晉卿詞早是紫心可

慣更那堪頻頻顧盼岑參詩煖屋繡簾紅地爐茗

枕見觀石谷畫梁簡文帝詩爐烟入斗帳

孟東野詩

一床空月色

杜牧之詩爛燭有心還惜別杜詩告別

莫匆匆

陸務觀詞看金鞍爭道香車飛蓋爭先占新

亭館

載酒見清風使節圖

嬋娟見行路難

毛平

仲詞怕嬌雲細雨東風驀地輕吹散

杜牧之詩酒醒

孤枕雁來初黃蘆見蒜山懷古後赤壁賦斷岸千尺

李義山詩

白日相思可奈何嚴城清夜斷經過

陳無



已詩凍雨能妨夢崔澄瀾詩憶夢殘燈落  
披衣見秋夜不寐蘇子卿詩握手一長嘆

### 倦尋芳 春雨

欺梅黯澹美柳迷離一幅烟水醉墨模糊澹插浮屠天際捲湘簾憑畫閣白鷗點點飛還起視吾廬如掀翻一

葉空江深處記今朝南湖禊飲士女嬉游此景佳麗

細馬輕車不到斷橋西路雙屐衝泥僧喚渡一瓢沽酒

柴門閉料今宵對殘燈客情憔悴

張如哉曰七律補禊序云壬辰上巳鴛湖

禊飲余後三日始至云云此當是禊日阻雨誤期而作者故云車馬不到客情憔悴也○韓詩欺梅併壓枝黯淡見行路難李義山詩青門美烟柳迷離見鴛湖曲

李有中詩帆開烟水深醉墨見歸元恭像崔夢之

詩東邊一片青模糊  
按浮圖通浮屠見贈蒼雪天際

見石公山 湘簾見玉京傳 畫閣見鴛湖曲 杜詩

白鷗沒浩蕩庾詩可憐數行雁點點向空排吳城龍女

詞撲鹿沙鷗驚起  
陶詩吾亦愛吾廬  
指月錄大地

掀翻無覓處一葉見鴛湖曲  
周美成詞人正在空江

烟浪裏  
南湖見鴛湖曲  
襖飲見采蘭曲  
士女嬉遊

見虞山圖歌  
謝元暉詩江南佳麗地  
細馬輕車見

玉京彈琴歌

〔杜詩〕斷橋無復板〔按〕路字應叶韻俟考

劉文房詩披榛着雙屐

衝泥見苑先齋中陸務觀詩斷的苔生人喚渡殘燈

見前首

詞轉使客情如醉

張如哉曰路字在夫甫父韻處字在魚雨卸韻此詞

與  
枝  
紙  
眞  
翼  
委  
秣  
畸  
起  
氣  
通  
叶  
碎  
春  
風  
水  
龍  
吟  
亦  
然

與古韻通也又渡字古入於比句不用韻惟王元

念奴嬌

東籬殘醉過溪來閒訪黃花消息小院高樓門半掩細  
雨欄干吹笛側帽狂呼搗箏緩唱翠袖偎人立欲前還  
止此中何處佳客却是許掾王郎風流年少爛醉金  
釵側十載揚州春夢斷薄倖青樓贏得遍插茱萸山公  
老矣顧影顛毛白凭高惆悵暮雲千里凝碧

此亦伎館之作意不

在伎而在友兼以自詠也○東籬見西田賞菊于國寶  
詞明日重扶殘醉按過溪字出廬山記黃花見後東  
臯歌消息見滿江紅壽金豈凡陸務觀詞最是眠時  
枕寒門半掩細雨見春思欄干吹笛見滿江紅過文  
定公祠側帽見董白像序狂呼見王郎曲唐書禮  
樂志西京伎有彈琴搗箏謝靈運詩六引緩清唱三調  
伶繁音杜詩天寒翠袖薄歐陽永叔詞美筆偎人久  
何仲言詩日暮留佳客按許掾許詢王郎王凝之

也此借用

〔韋端已詞〕

陌上誰家年少足風流

〔京仲

遠詞〕年年爛醉金釵

〔杜牧之詩〕十年一覺揚州夢贏得青樓薄倖名

〔李詞〕秦娥夢斷秦樓月

〔王詩〕遍插茱

萸少一人

〔山公見茸城行〕

〔列子〕顧若影則知之國

〔語〕管子曰班序顛毛

〔唐文宗詩〕憑高何限意

〔南

唐元宗詞〕漫倚遍危欄儘黃昏也只是暮雲凝碧

吳詩集覽卷二十下

詩餘二之下 長調

木蘭花慢

過濟南

濟南見送  
詹司理

天清華不注搔首望白雲齊想尙父夷吾雪宮柏寢衰  
草長堤松耶柏耶在否祇斜陽七十二城西石窮功名  
何處鐵籠籌算都非 儘牛山涕淚沾衣極目雁行低

嘆鮑叔無人曾連未死憔悴南歸依然洋洋東海看諸  
生奏玉簡金泥誰問碣磳戰骨秋風老樹成圍

此南歸  
時過濟

南而作者前段懷古後段兼以自詠也極目雁行應指  
陳彥升輩鮑叔無人曾連未死是梅村悔恨處○司馬

退之詩次寥楚天清一統志華不注山在濟南府歷城縣東北搔首見哭志衍劉文房詩孤城上與白

雲齊詩維師尙父晏子春秋齊侯見晏子於雪宮

一統志雪宮在青州府臨淄縣東北韓非子景公與晏

子遊少海登柏寢之臺望其國曰美哉堂堂乎一統志

柏寢臺在青州府樂安縣界李易安詞連天衰草皇

南茂政詩草色引長堤史記田世家齊人怨王建不

蚤與諸侯合從攻秦聽姦臣賁客以亡其國歌之曰松

耶柏耶住建共者客耶秦少游詞杜鵑聲裏斜陽暮

史記樂毅傳下齊七十餘城皆為郡縣以屬燕惟獨莒

卽墨未服左傳成二年齊侯以辟司徒之妻有禮予

之石莒通典長清縣齊之石莒邑一統志長清故城在

今濟南府長清縣東南三十里史記田單傳燕師長

驅平齊而田單走安平令其宗人盡斷其車軸未而傳

鐵籠已而燕軍攻安平城壞齊人爭走塗以轆折車敗

為燕所虜惟田單宗人以鐵籠故得脫隋書李崇傳英

果有籌算杜牧之詩牛山何必淚沾衣極目見蕩

子行禮兄之齒雁行鮑叔見送詹司理曾連見夜

宿阜昌

後漢書范滂傳滂事釋南歸

左傳讓二十

九年決決乎大風也哉表東海者其大公平

張如哉

曰諸生句用封禪書秦徵齊魯之儒生漢書應劭注王

者功成治定告成於天有金策石函金泥玉簡之封

魏書孝文紀行幸碯磝一統志碯磝山在泰安府東阿

縣南七里有關城相傳卽檀道濟唱籌量沙處或以爲

卽碯磝城非也方輿紀要碯磝城在長清縣西北沈約

宋書作碯磝今讀曰碯放濟州關在長清縣西卽碯磝

津也張如哉曰南史王元謨傳大舉北侵以元謨爲前

鋒軍至碯磝進向滑臺圍城二百餘日魏太武自來救

之江夏王義恭以碯磝沙城不可守召令還爲魏軍所

追大破之流矢中臂還至歷城問碯磝戰骨當是用王

元謨事耳戰骨見蟋蟀盆歌 老

樹見雕橋莊歌成園見西田次韻

程叔才注陳其年蓮洋集序引輿志碯磝山東濟州

治按一統志濟寧州爲金元之濟州而不載碯磝或

謂碯同鄒卽左傳宣十二年晉師在鄒敖之間注謂

鄒敖二山在滎陽縣西北者然一統志滎陽有碯山

而無鄒山敖郎尚書序之仲丁遷囂詩之博獸于敖  
史記之遷噉及敖倉者榮陽與濟寧不可合而爲一  
也

又 話舊

西湖花月地櫻筍熟鰕魚肥記粉袖銀箏青簾畫舫烟  
柳春堤驚風一朝吹散嘆西興兵火渡人稀白髮龜年  
尙在青山賀監重歸 恰相逢紫蟹黃鷄猶唱縷金衣  
奈狂客愁多秋娘老去木落烏棲無情斷橋流水把年  
光流盡付斜暉世事浮生急景道人抱膝忘機此亦伎  
館之作  
前段由合而離後段承賀監重歸說下情致惘然○  
統志西湖在杭州府錢塘縣西 櫻筍見贈陳定生



淮南子秋風起而鰕魚肥 銀箏見畫蘭曲 村詩青

簾白舫益州來畫舫見贈文園公 李義山詩青門弄

烟柳孟詩春堤楊柳發 周美成詞春戀雨潤雲溫苦

驚風吹散 西興見贈吳錦雯兵火見遇南廂園叟

龜年見琵琶行 賀監見陸墩詩 紫蟹黃雞見追敘

西田舊約 金縷衣見偶見 狂客見送田翺淵白詩

愁多常少眠 秋娘見琴河感舊序 雍國釣詩老去風

光不屬身 木落見送何省齋烏棲見烏棲曲 崔禮

仙詩水流花謝雨無情 一統志自斷橋至孤山為白公

堤 韓琮詩流盡年光是此聲 斜暉見後東臯歌 孫

巨源詞悵望浮生急景 道人見西田

詩抱膝見題莊橙菴像忘機見遇姚翁

又 壽嘉定趙侍御舊巡滇南 嘉定見贈王內三

察御史趙洪範江南人崇禎中任嘉定

縣志趙洪範字元錫大啟王戊進士

仰首看皓魄切莫放酒杯空記六詔飛書百蠻馳傳萬

里乘驄天南碧雞金馬把枯碁殘局付兒童雞黍鹿門

高隱衣冠鶴髮衰翁嘆千戈滿地飄蓬落日數歸鴻

喜歇浦寒潮練塘新霽投老從容菊花滿頭須插向東

籬狂笑醉顏紅高館青尊紅燭故園黃葉丹楓前段從  
滇南點

染後段從嘉定點染○古西洲曲仰首望飛鴻皓魄見  
塵鏡元裕之詩到手金杯不放空六詔見滇池鏡

吹晉輦舞歌飛書告諭響應來同百蠻見送杜欽武  
馳傳見送志衍八蜀後漢書桓典傳為侍御史常乘

驄馬張文昌詩借問炎州客天南幾日行金馬碧雞  
見訪文學博韋昭博奕論枯碁三百孰與萬人之將

鹿門見襄陽注南史隱逸傳阮孝緒著高隱傳  
如哉曰衣冠用四皓衣冠甚偉語庾子慎詩鶴髮辭軒

冕衰翁見過姜給事杜詩千戈滿地客愁破飄蓬見  
送王藉茅嵇叔夜詩目送歸鴻歇浦卽春申浦見

贈陸生寒潮見塗松晚發 練塘見王菴看梅注新霽  
見虎印新霽 投老見西田詩 杜牧之詩菊花須種  
滿頭歸 東籬見西田賞菊顏紅見喜苑先初歸 高  
館見王京墓青尊見嘲張南垣紅燭見孝若山樓 易  
林隕其黃葉丹  
楓見橫雲山

又 中秋詠月

冰輪誰碾就千尺起嘯臺東記白傅堤邊庾公樓上幾  
度曾逢今宵廣寒高處問嫦娥環珮在何峯天上銀河  
珠斗人間玉露金風 聽江樓鶴唳橫空人影立梧桐有  
宮錦袍緋綸巾頭白鐵笛仙翁欲乘月明飛去過嚴城  
下界打霜鐘醉臥三山絕頂倒看萬箇長松 此首以高  
厲見奇仿

佛子瞻水調歌頭結二句更為工絕○冰輪見再觀打  
冰韓致光詩猶是玉輪曾碾處胡武平詩風遞鸞聲  
認嘯臺白堤見題董白像庾樓見送龔孝升張  
元幹詞花落花開幾度池塘草廣寒見讀史偶蘇  
詞高處不勝寒後漢書天文志注羿請無死之藥於  
西王母姮娥竊之以奔月姮一作嫦娥杜詩環珮空歸月  
夜魂蘇詞不知天上宮闕今夕是何年銀河見青門  
曲王詩月迴藏珠斗秦少游詞金風玉露一相逢便  
勝却人間無數元詩鶴唳晴空聞九霄人影立梧  
桐見新浴注唐書李白傳月夜乘舟采石衣宮袍又  
車服志褲褶之制五品以上耕晉書謝萬傳著白綸  
巾鶴氅裘鐵笛見避亂蘇詞十年不見老仙翁岑  
參詩應須乘月去嚴城見石公山下界見贈願雲師  
霜鐘見退谷歌三山見遇宋子建絕頂見得願雲書  
傳杜詩石出倒看楓葉下史記貨殖  
傳木千章竹竿萬箇長松見海市

又壽汲古閣主人毛子晉

汲古閣毛子晉井已見

尙湖高隱處較漆簡定遺經正伏勝加飡揚雄強飯七

畧縱橫爭傳殺青奇字更五千餘偈叩南能夜雨蒲團

佛火春風菌閣書聲臥荒江投老遺民兵後海田耕

喜柳塢堂開月泉詩就貰酒行吟高談九州風雅問開

元以後屬何人百歲顛毛斑白千年翰墨丹青

前段美子晉刻

書後段美子晉詩筆尙湖見琴河感舊高隱見壽趙

侍御漆簡見遺問漆經注韓詩獨抱遺經究終始

伏勝見壽王鑑明古詩努力加飡飯揚雄見送李

書雲強飯見蛤蚧漢書藝文志劉歆總羣書而奏其

七畧殺青見龍腹竹歌奇字見行路難陳師道詩

要轉華嚴八千偈傳燈錄慧能為南宗溫飛卿詩自從

紫桂巖前別不見南能直至今蘇詩此身分付一蒲

團佛火見訪無生上人

菌閣見壽孫子長

荒江見

松鼠投老見西田詩海田見再寄三弟月泉吟社

見陪園次過太白亭貫酒見海戶曲楚辭行吟澤畔

高談見哭志衍開元唐元宗年號

顛毛見念奴嬌翰墨見觀通天帖

水龍吟送孫浣心之真定浣心見二十五日詩此與五律送令修遊

正定一時作也

無諸臺上春風燕南魏北聲名起金戈鐵馬神州沉陸

幅巾歸里種柳門前藝瓜陂下北窗烟雨遇天涯故舊

貽書到一鞭行李滹沱水挾瑟高堂趙女問叢臺幾

人珠履青史紛爭干戈譚笑陳餘張耳漢墨秦軍李龍

宮苑銷沉何處向孤城但有寒鴉落木暮天羈旅玩此詞語

意浣心先官福建後仕畿輔蓋曾受知於正定遺老鼎  
革後赴正定之招者故前段多敘歸里之事後段多敘  
正定之遊也張如哉曰此詞以支紙真奇起氣圍委  
未叶八魚兩御夫甫父與醉春風倦尋芳同○無諸臺  
見周芮公序燕南趙北見遺悶注金戈鐵馬見蘆  
洲行晉書桓溫傳逐使神州陸沉後漢書鮑永傳  
注幅巾謂不著冠但幅巾束首也晉書羊祜傳當角巾  
東路歸故里淵明五柳先生傳門前有五柳樹藝  
瓜用邵平事見青門曲北窗見二十五日詩一鞭  
見老妓行行李見琴清湖滹沱見讀西臺記古詩挾  
瑟上高堂趙女見蕩子行叢臺見永和宮詞珠履見  
送友人在正定青史見又詠古蘇詞譚笑間檣觴  
灰飛烟滅史記張耳陳餘傳張耳者大梁人也陳餘  
者亦大梁人也一統志陳餘壘在正定府獲鹿縣東北  
張耳傳項羽亦數聞張耳賢乃分趙立張耳為常山王  
按秦漢間李良章邯與耳餘戰多在邯鄲今屬廣平府  
惟韓信破餘在正定之井陘縣耳後趙錄石虎字季  
龍勒之從子一統志桑中故城在正定府平山縣東南

漢縣世謂之石勒城蓋趙氏增城之故擅其曰按晉書  
石季龍載記于襄國起太武殿于鄴造東西宮窮極伎  
巧又盛興官室于鄴起臺觀四十餘所此詞不必指石  
勒城也儲光義詩宮苑傍山明銷沉見茸城行寒  
鴉見野望季公垂詩竹影侵雲拂暮  
天陳餘傳客有說張耳者曰兩君羈旅

按于瞻水龍吟咏笛前段末十五字云自中郎不見  
桓伊去後知辜負秋多少咏楊花前段末亦云夢隨  
風萬里尋郎去處又還被鶯呼起章質夫咏楊花永  
云傍珠簾散漫垂垂欲下依前被風扶起皆五字一  
句四字一句三字兩句也此詞八字一句七字一句  
不與之合卽云一鞭行李四字爲句亦不與之合也  
張如哉曰少游賣花聲過盡垂楊院落紅成陣飛鴛  
鬢後人多于院字斷句而誤以落字屬下句致有此  
誤萬紅友詞律辨之甚核紅友固梅村身後之畏  
友與後段青史紛爭亦與宋人平仄不同俟考

風流子

爲鹿城李三一壽

蘇州府志馬城鹿城  
並在洞庭西山閶閫



築以養馬豢鹿（寬新合志）下山在崑山縣治西  
一里又名南山俗名土山西鹿城卽今土山李  
孟函三一崇禎己卯副貢好古樂善選知縣  
未任卒（按三一崑山人則鹿城西鹿城也）

青山當戶牖秋光霽明月倒壺觴羨金粟道人草堂松

竹青蓮居士藜閣文章傳家久朱門開累葉畫省付諸

郎綠酒黃花淵明高臥紅顏白髮樊素新粧登高頻

回首江南舊恨在鐵笛滄浪十載故園兵火三徑都荒

待山園再葺讀書萬卷湖田晚熟縱博千場老子婆娑

不淺儘意疎狂

（前段敘三一家門之盛後段指現在情事）  
（祖詠詩）南山當戶牖  
（壺觴見遇）

南廂園叟

金粟道人見題歸元恭像

（陳伯玉詩）松

竹生虛白

（李詩）青蓮居士謫仙人

（三輔黃圖）劉向

校書天祿閣專精覃思夜有老人著黃衣植青藜杖見  
向暗中獨坐誦書乃吹杖端烟然因以見向授五行洪  
範之文傳家見觀通天帖朱門見咏山茶花果葉  
見贈文園公崑新合志李同芳萬歷庚辰舉禮部巡撫  
山東贈侍郎子留昌萬歷辛丑進上授編修長子孟函  
畫省見弔衛紫岫諸郎見癸巳禊飲高臥見六言絕句  
有黃花滿把從教綠酒深傾  
翁亭記蒼顏白髮顏平其中者太守醉也百詩櫻桃  
樊素口新嬌見鴛湖閨詠孟東野詩舊恨空浮江  
鐵笛見避亂滄浪見礬清湖兵火見遇南廂園叟  
三徑見遺悶顏延年詩北首山園杜詩讀書破萬  
卷湖田見閬園詩高遠夫詩干場縱博家仍富  
晉書庾亮傳老子於此興復不淺京仲遠詞  
婆娑老子興難忘蘇詞儘放我些子疎狂

又送張編修督學河南

河南通志張天楠浙江秀水人進士按察司僉

事提學道順

治十一年任

中原人物盛征騷過花發洛陽街美嚴助承明連城建

節茂先機近好士掄才賓徒滿賦成誇授簡鐘鼓遶繁

臺

繁音

嵩嶽出雲鬱葱千仞濁河天際屈注西來憑

高披襟處千觴引醺醪意氣佳哉回首日邊臚唱御

筆親裁待尚書尺一趨歸視草門盈桃李學士高齋領

取玉堂佳話黃閣重開

前段點染河南後段祝願其歸朝以後○征騷見送何省齋

洛陽街見過東平壘

嚴助見贈嚴方公承明見送

河省齋

史記王父偃傳今諸侯或連城數十又司馬

相如傳建節往使張如哉曰此用嚴助傳遣助以節發

兵會稽語

茂先見九峯草堂歌後漢書何敞傳歷顯

位備機近

商子今上掄才能智慧而任之張如哉曰

此用張華傳性好人物誘進不倦侯門之士有一介之

善者為之延譽 授簡見蘭園詩 繁臺見送沈繹堂

詩嵩高維嶽易山川出雲 後漢書光武帝紀望氣

者見春陵郭皓曰氣佳哉鬱鬱葱葱史記賈生傳鳳凰

翔于千仞之上兮 黃河屈注見汴梁天際見石公山

唐文宗詩憑高何限意披襟見宮扇 李詩一日傾

千觴潘正叔詩羽觴飛醴醪 晉書明帝紀不聞人從

日邊來臚唱見送沈繹堂 後漢書陳蕃傳尺一選舉

委尚書三公注尺一謂板長一尺以寫詔書 漢書淮

南王安傳常召司馬相如等視草乃遣注草謂為文之

草藁 桃李見贈李義居 高齋學士見汲古閣歌

解嘲今吾子幸得歷金門上玉堂有日矣張

協七命敬聽佳話 黃閣見送純祐藩幕

又 掖門感舊 天清一統志 紫禁城南曰

午門左曰左掖門右曰右掖門

咸陽三月火新宮起傍鎖舊葺墻見殘甃廢磚何王遺

構荒蕪衰草一片斜陽記當日文華開講幄寶地正焚

香左相按班百官隨從執經橫卷奏對明光 至尊微

含笑尙書問大義共退東廂東應作西忽命紫貂重召天語

琅琅賜龍團月片甘瓜脆李從容晏笑拜謝君王十八

年來如夢萬事淒涼此首與宮扇同意是梅村不忘舊恩也○史記項羽紀引兵屠咸陽

燒秦宮室火三月不滅新宮見送沈繹堂周美成

詞土花繚繞前度葍牆詩中堂有甃甃甃見磬清湖

序杜詩不知何王殿遺構絕壁下許仲晦詩行殿

有基荒蕪合衰草斜陽見過濟南明史禮志經筵先

期設御座於文華殿設御案於座東稍南設講案於案

南稍東宋史張揆楊安國傳揆及安國父子皆侍經幄

盧昇之詩寶地乘峯出杜詩芙蓉別殿設焚香又

左相日興費萬錢明史禮志日講講官大學士一員一

叩首乃坐講畢又學士一員承旨坐講如初又經筵

勲臣一人知經筵事內閣學士或知或同知尙書都御

史通政使大理卿及學士等侍班翰林院春坊官及國  
子監祭酒二員進講春坊官二員展書給事中御史各  
二員侍儀鴻臚寺錦衣衛堂上官各一員供事鳴贊一  
贊禮序班四舉案勲臣或駙馬一人領將軍侍衛陪從  
見永和宮詞後漢書儒林傳序帝正坐自講諸儒執  
經問難於前橫經見讀史雜述宋史哲宗紀詔講讀  
官御經筵退留二員奏對邇英閣明光見東萊行至  
尊含笑見九友歌梁書武帝紀造尚書大義隋書經  
籍志尚書大義二十卷明史禮志隆慶六年定每日  
早講畢帝進煖閣少憩閣章奏閣臣等退西廂房久之  
率講官再進午講我明史東宮講學儀太祖命於文華  
後殿世宗改為便殿遂移殿東廂然亦講於東廂非退  
於東廂也且此詞非咏東宮事東廂字應作西後漢  
書朱穆傳中常侍建武以後乃悉用宦者自延平以來  
假貂璫之飾天語見遇劉雪舫子虛賦礪石相擊琅  
琅璦璦龍團見新翻子夜歌季孔集日盧仝茶詩手  
閒月團三百片類林衡州之衡山封州之西鄉茶研膏  
為之皆片團如月魏文帝與吳質書浮甘瓜於清泉

沉未李於寒水明史日講於文華殿賜茶文華門賜酒  
飯詩燕笑語兮王仲初詩男兒拜跪謝君王明史  
經筵禮畢命賜酒飯各官出至丹陛行叩頭禮至左  
順門酒飯畢入行叩頭禮元詩歸來如夢復如癡  
按梅村預擇東宮講讀官在崇禎十年而陳臥子有  
贈吳駿公新充東宮講官詩似梅村乃東宮官屬非  
日講官也然明史禮志翰林院春坊官祭酒進講而  
宮扇一首云遭逢召見南薰殿思陵日昃猶揮汗天  
語親傳賜近臣先生進講幽風倦是梅村曾親侍講  
幄者又壽龔芝麓云荏苒分飛十八年寄周芮公序  
云拜別河梁十有八載而此首亦云十八年來如  
夢其名有所指與扣就應 召時統計之與

沁園春 午朝遇雨

十里紅牆樹色陰濃銅屏洞開見觚稜日炫金銀照耀  
朱霞天半避暑樓臺忽起奇雲琉璃萬頃燕雀不覺風

勤來西山上有龍迎返照急雨驚雷 涼生殿閣佳哉

但瀟灑瑤堦絕點埃聽御河流水琤琮雜珮黃滋細柳

翠逼宮槐玉管銀毫冰桃雪藕枚馬詩成應制才承恩

久待歸鞭晚霽步月天街

此梅村赴所謂臺閣體也

召授官後作

山茶花

謝无逸詞

楊柳綠陰濃

銅屏見雒陽行西

都賦門闥洞開

觚稜見行路難字典炫明也

史記

封禪書三神山金銀爲宮闕易林光明照耀

南史劉

訐傳超越越俗如天半朱霞

王僧孺詩迴鑿避暑宮

奇雲見郁靜巖壘石

杜詩波濤萬頃堆琉璃

又

宮殿風微燕雀高鄭康成禮記注屏謂之樹今衆思也

西陽雜俎士林間多呼宮殿棖桷護雀網爲果思其淺

悞如此西山見贈吳雪航

宋書高祖紀三光返照

急雨見滿江紅申文定公祠劉子政九歎凌驚雷以

軼駭電兮

柳誠懸詩殿閣生微涼佳哉出後漢書光



武紀孔德璋北山移文瀟灑出塵之想雪賦庭列瑤  
堦黃魯直跋蔡明遠帖筆意縱橫無一點埃氣御河  
見讀史偶述其十一瑋琮見玉京墓雜珮見梅花  
菴聯句杜詩新蒲細柳為誰綠官槐見永和宮詞  
按張昱春閨詞王管調等十指寒然梅村則指筆管  
如金管斑管之類耳銀毫見送楊猶龍拾遺記西王  
母進萬歲冰桃千年碧藕崔澄瀾詩出參枚馬詞應  
制見五律徐孝穆詩承恩預下席宋延清詩晚霽  
江天好高達夫  
詩列宿煥天街

又 雲間張青瑀從中州南還索詞壽母

極目中原慷慨平生濁醪一杯念高堂老母桓釐志行  
釐當窮途遊子仲蔚蒿萊雅負經綸文章小技三尺遺  
作釐  
孤何壯哉辭家久到燕南趙北赤日黃埃 吾徒造物

安排且布襪青鞵歸去來有尊羹鱸膾能供蔬饌魚村

蟹舍可葺茅齋貧賤安親詩書養志世上機雲少棄才

成名後把懷清築起百歲高臺

前段就中州說後段就南還說○極目見蕩子

行中原見贈蒼雪

慷慨平生見寄周芮公序

蜀膠

見礬清湖濁酒一杯見壽李太虛

後漢書列女傳沛

劉長卿妻者同郡桓鸞之女也生一男五歲而長卿卒

兒年十五晚又天歿妻慮不免乃豫刑其耳以自誓沛

相王吉上奏高行顯其門閭號曰行義桓鸞窮途見

行路難遊子見送何省齋高士傳張仲蔚者平陵人

也所處蓬蒿沒人杜詩文章一小技漢書陳平傳

壯哉縣燕南趙北見遣悶注赤日黃埃見贈穆大

苑先莊子曰偉哉夫造物者將以予爲此拘拘也陸

務觀詩第一戒安排市襪青鞵見六真歌注陶淵明

有歸去來辭辛卯安詞豈爲尊羹鱸膾哉梁書高

祖丁貴嬪傳長進蔬膳王元節詩人宿黃魚紫蟹村

蟹舍見送杜炭武辛幼安詞東岡更葺茅齋機雲  
見九峯歌陸敬輿疏興王之良佐皆季代之棄才史  
記貨殖傳清寡婦也能守其業用財自衛不見  
侵犯秦始皇以爲貞婦而客之爲築女懷清臺

又 觀潮

孟詩八月  
觀潮罷

八月奔濤千尺崔嵬砉然欲驚似靈妃顧笑神魚進舞  
馮夷擊鼓白馬來迎伍相鳴屨錢王羽箭怒氣強於十  
萬兵崢嶸甚訝雪山中斷銀漢西傾孤舟鐵笛風清  
待萬里乘槎問客星歎鯨鯢未翦戈船滿岸蟾蜍正吐  
歌管傾城狎浪兒童橫江士女笑指漁翁一葉輕誰知  
道是觀潮枚叟論水莊生

前段寫出潮勢後段寫出觀  
字胸次歷落非泛作海賦者

然○杜詩積陰帶奔濤崔嵬見行路難莊子若然稽  
夷擊鼓見汴梁白馬見送徐次桓史記伍子胥傳  
吳王大怒乃取子胥尸盛以鴟夷革浮之江中宋史  
河渠志梁開平中錢武肅土始築捍海塘在候潮門外  
潮水晝夜衝激版築不就因命彊弩數百以射潮頭又  
致禱胥山祠旣而潮避錢塘東擊四陵民居乃奠杜詩  
猛將腰間大羽箭又今日何須十萬兵王少伯詩  
跳波沸崢嶸雪山見訪文學博李詩天門中斷楚江  
開雞跖集天河謂之銀漢雜神賦日旣西傾鐵笛  
見避亂萬里乘槎客星見七夕卽事左傳宣十二  
年取其鯨鯢而封之以爲大戮戈船見避亂五經  
通義月中有兔與蟾蜍薛陶臣詩黑雲吐出新蟾蜍  
鮑詩歌管爲誰清杜詩走過掣電傾城知狎浪見讀  
史雜感韓詩長網橫江遮紫鱗一葉見駕湖曲  
雪賦延枚叟枚叔七發觀濤於廣陵之曲江莊子有  
秋水篇

又丁酉小春海棠與水仙並開王廉州爲予寫

秋林圖初成因取瓶花作供輒賦此詞

丁酉順治

十四年初學記十月天時和暖似春故曰小春

之月

羣芳譜

秋海棠一名八月春花

花色粉紅

葉綠如翠羽水仙叢生葉如萱草而厚冬間於

葉中抽一莖莖頭開花數朵大如簪頭色白圓

如酒杯上有五尖中心黃蕊頗大故有金盞銀

臺之名

王廉州見九友歌按王丹麓今世說

巧藝篇顧樵水詩篇秀絕畫亦能品嘗作秋林

圖贈吳梅村吳嘆曰對此尺幅使人幽思頓生

按此則梅村有

雨秋林圖也

有美人兮宛在中央仙乎水哉似藐姑神女凌波獨步

瀟湘極浦洗盡塵埃忽遇東隣彼姝者子紅粉臙脂笑

麝開須知道是兩家粧束一種人材 東君着意安排

蚤羯鼓催成巧樣裁豈陳王賦就新添女伴太真睡起

共倚粧臺玉骨冰肌艷梳濃裏妙手黃筌未見來集作

霜天晚對膽瓶雙絕點染幽齋全從並開二字着筆是

兮又宛在水中央飛燕外傳后揚袖曰仙乎仙乎

去故而就新寧忘懷乎莊子藐姑射之山有神人居焉宋玉有神女賦

旭輪極浦見後東臯歌雅神賦凌波微步 瀟湘見送沈

李詩西施與東隣 詩彼姝者子杜必簡詩紅粉

樓中應計日燕支山下莫經年古歌笑麝自然開張

如哉曰兩家粧束暗用太真外傳五家合隊相映如百

花煥發粧束見鴛湖曲史記司馬相如傳其人材足

倚也 東君楚辭篇名韓元吉詞東風着意先上小桃

枝安排見壽張青瑀母羯鼓見琵琶行注巧樣見春

衣陳王賦見芙蓉羣芳譜朱仲困自蕭山致水仙一  
二百本學維神賦體作水仙花賦女伴見彈琴歌  
太真外傳上皇登沉香亭召太真妃子妃子時卯酒未  
醒命力士從侍見扶掖而至上皇笑曰豈是妃子醉直  
海棠睡未足耳曹元寵詞睡起不勝情盧昇之詩雜  
粉向妝臺蘇詞冰肌玉骨自清涼無汗水殿風來暗  
香滿妙手見二十五日詩圖繪寶鑑黃筌字要叔成  
都人事蜀王衍爲待詔至孟昶加檢校少府監累遷如  
京副使資諸家之善而兼有之花鳥之名最著霜天  
見海戶曲膽瓶見望江南  
點染見送遠圖序岑參  
詩當景  
涼幽齋

又 吳興愛山臺禊飲分韻得闕字

妍景銷愁輕衫乘興扁舟往還遇使君倒屣銀床枕簟  
羣賢傾益玉佩刀鏤下若新醅前溪妙舞落日樓臺雨

後山雕欄外有名花婀娜嬌鳥綿蠻 衰翁天放疎頑

况廿載重來詎等閒嘆此方嚴虎青絲白馬

原注孫吳時山寇嚴

白虎與呂蒙戰于

當年宋態綠髻紅顏

原注唐李涉有贈吳興妓宋態

吳興之石城山

詩所謂解語花枝在眼前也

春色依然舊游何處剩得東風柳一灣

吾堪老傍鷗汀雁渚石戶松關

前段點出園次及同游者後段情景俱到即贈

園次排律所謂折花貽杜牧也妙切吳興

○王無功詩

時取醉銷愁

輕衫見東許九日乘興見送往桐廬

劉文房詩田家數往還

使君見代具師答三國志王

粲傳蔡邕聞粲在門倒屣迎之

溫飛卿詩水簾銀床

夢不成枕簟見觀棋

蘭亭序羣賢畢至史記鄒陽傳

傾蓋如故

詩瓊瑰玉珮吳叔庠詩秋月掩刀環張如

哉曰張象文詩屏間珮響藏歌妓幕外刀光立從官此

句用之

下若見訪霍魯齋周美成詞聞道宜城酒美



昨日新醅熟 前溪見贈姜明府後漢書邊讓章華賦  
妙舞麗于陽阿 張文昌詩雨後山光滿郭青 雕欄  
見宮扇 名花見遇劉雪舫補注維神賦華容婀娜  
唐太宗詩喬柯囀嬌鳥 衰翁見過姜給事柳子厚詩  
蕭散任疎頑 張正言詩心中萬事如等閒 嚴虎見  
讀史有感 青絲白馬見壽芝麓詞 綠髻見滿江紅  
壽孫本芝紅顏見圓圓曲 舊遊見虎邱圖 東風柳  
見楚兩生行 錢仲文詩一灣斜照水 左傳隱十一年  
吾將老馬 薩天錫詩春波綠占白鷗汀宋延清詩  
泛舟依雁渚 蘇詩我來叩石戶松關見贈願雲師  
按涉又有過湖州妓宋態詩云曾識雲仙至小時笑  
蓉頭上綰青絲當時驚覺高唐夢惟有于今宋玉知

賀新郎 送杜將軍發武

見七古

雙髻愁來白數威名西州豪杰玉關沙磧家世通侯黃  
金印馬稍當年第一磨盾鼻懸毫飛檄雅吹投壺詩萬

首舊當陽虎帳春秋癖思往事頓成昔 天涯寂寞青

門客念平生鞭箠萬里布衣之極滿地江湖漁歌起誰

弄扁舟鐵笛正柳色依依南陌日暮鄉關何處是故人

書草沒摩崖石漫回首淚沾臆前段話舊後段送別○

名見送杜欽武西州見又咏古 王詩獨坐悲雙髻 威

蹟見送杜欽武 南史王氏傳總論昔晉渡江王導卜

其家世通侯見楚兩生行序史記蔡澤傳懷黃金之印

馬稍見哭志衍 北史荀濟傳謂人曰會楯上摩墨

作檄文四譜荀濟與梁武有舊而帝素輕之及梁受禪

乃八北嘗云曾于盾鼻磨墨作文檄梁按曾字應從史

作會摩字應從譜作磨飛檄見雁門尚書行 後漢書

桓榮傳詔諸生雅吹擊磬又祭遵傳必雅歌投壺 當

陽見楚兩生行王少伯詩虎帳長開自教兵晉書杜預

傳武帝謂預曰卿有何癖對曰臣有左傳癖杜詩飽聞

春秋癖

劉夢得詩人世幾回傷往事

青門見青門

曲

管子天下不可改也而可以鞭箠使也

漢書張

良傳世布衣之極

杜詩江湖滿地一漁翁漁歌見元

武湖

李詩明朝散髮弄扁舟鐵笛見避亂

詩揚柳

依依南陌見老妓行

霍顯詩日暮鄉關何處是

行簡詩一紙故人書草沒見夜宿阜昌摩崖見哭志衍

淚沾臆見

永和宮詞

### 又 病中有感

萬事催華髮論龔生天年竟天高名難沒吾病難將醫

藥治耿耿胸中熱血待灑向西風殘月剖却心肝今置

地問華佗解我腸千結追往恨倍淒咽 故人慷慨多

奇節爲當年沉吟不斷草間偷活艾炙眉頭瓜噴鼻今

日須難訣絕早患苦重來千疊脫屣妻孥非易事竟一

錢不值何須說人世幾完缺

此絕筆也自怨自艾故與錢龔不同

按漢書

龔勝傳有旦暮八地豈以一身事二姓下見故王語故

贊謂守死善道勝寔有焉所謂高名難沒也梅村以不

能如龔勝之天天年為恨故灑血無地剖心無術耳問

華佗即難將醫藥治之意次段言不能如龔生之天天

年而天年已盡竟臥死兒女手中如麥鐵杖所云也一

錢不值正與高名難沒反對難訣絕非易事詞意相承

又按龔生年七十九不為天天猶盡也○劉子政新

序夫士亦華髮墮顛而後可用耳第二句見讀西臺

記高名見釣臺漢書平帝紀為置醫藥詩耿耿

不寐采子虛詩手殺降人吞熱血灑西風見滿江紅

感舊柳耆卿詞楊柳岸曉風殘月史記鄒陽傳剖心

析肝相信豈移於浮辭哉又項羽紀亞夫受玉斗置之

地後漢書方術傳華佗字元化沛國譙人也精于方

藥若疾發結于內針藥所不能及者乃令先以酒服麻

地

沸散既醉無所覺因剗破腹背抽割積聚若在腸胃則  
斷截前洗除去疾穢既而縫合傳以神膏四五日創愈  
白詩雖不能解腸結吳越春秋夫人哀吟曰賜于結兮  
服膺孟東野詩歌管為淒咽慷慨見又咏古高達  
夫詩韓魏多奇節沉吟見雁門尚書行漢書劉向傳  
持不斷之意者開羣枉之門草間見蟋蟀盆歌劉子  
政戰國策序偷活取容隋書麥鐵杖傳丈夫性命自  
有所在豈能艾炷炙額瓜蒂歆鼻治黃不差而臥死兒  
女手中乎胡身之通鑑注黃熱病也熱則頭痛故燃艾  
以炙之熱則上壅瓜蒂味苦寒故噴鼻以通關訣絕  
見送何省齋許仲晦詩水曲巖千疊脫屣見讚佛  
詩漢書灌夫傳平日毀程不識不值一錢

缺見斷碑

完